

兒科易知

兒科易知目錄

胎病

誤搐

類搐

非搐

疫證

痢疾

傷寒

痘疹

傷風

傷暑

傷濕

霍亂

咳嗽

哮喘

疳證

嘔吐

泄瀉

傷食

食積

發熱

痢疾

瘧疾

消渴

諸血證

腫滿

脹滿

黃痺

腹痛

癖積

蟲痛

諸汗

疝氣

啼哭

夜啼

二便不通

小便不利

大便

頭顛病

目疾

耳病

鼻病

口瘡

舌病

齒病

咽喉病

龜胸龜背

五軟五硬

丹毒

水痘

破傷風

癩疹癰疹

諸瘡

癩瘡

楊梅瘡

疥癬

湯火傷

兒科易知錄終

# 兒科易知

## 一 胎病論

兒之初生有病。亦惟胎弱胎毒二者而已矣。胎弱者。稟受於氣之不足也。子於父母一體而分。而稟受不可不察。父強母弱。生女必羸。父弱母強。生兒必弱。故小兒有頭破顛解。神慢氣怯。項軟頭傾。手足痿軟。齒生不齊。髮生不黑。行住坐立。須人扶掖。此皆胎稟不足之故也。

胎毒爲父母命門相火之毒。淫佚之火。蓄之則爲肺毒。蓋成胎之後。其母之關係尤繁。凡思慮火起於心。恚怒火生於肝。悲哀火鬱於肺。甘肥火積於脾。淫縱火發於腎。五欲之火。隱於母胞。遂結爲胎毒。凡胎毒之發。如蟲疥。流丹。濕瘡。癰癤。結核。重舌。木舌。鵝口。口瘡。與夫胎熱胎寒。胎搖胎黃之類。是也。

胎寒者。母娠時患熱病。多服寒涼之藥。又或過食生冷。令兒受之。生後昏昏多睡。間或

吮乳瀉白。此內因也。或百日之內。忽病戰慄。口冷。手足踈曲不伸。腹痛啼叫不止。此生後受寒得之。治宜溫散。指迷七氣湯。助胃膏爲佳。

胎熱者。母娠時喜食辛熱炙燻之物。或患熱病。失於清解。使兒受之。生後目閉面赤。眼胞浮腫。努身呢呢作聲。或啼叫驚煩。遍身壯熱。小便黃澁。此熱也。若不早治。則丹瘤瘡癤由是而至。集成沈瀝丹。徐服解之。以平爲度。

胎搐者。母娠時曾因驚恐。氣傳於子。生後頻頻作搐。其後身熱面青。手足搐掣。牙關緊閉。腰直身僵。睛邪目閉。多啼不乳。此乃癩癘不治之證。如因身有熱而作者。必先啼叫。雖曰胎病。由外因也。宜天麻丸。後以六味地黃湯滋其化源。久服自愈。

盤腸氣者。幼科稱內吊是也。皆因胎氣鬱積壅結。榮衛五臟六腑。無一舒暢。其氣不能升降。阻塞腸胃之間。抵心而痛。其聲軋軋如猫吐惡。乾啼口開。手足皆冷。宜疎散通氣調中散及木香丸。

臍突者。小兒多啼所致也。臍之下爲氣海。啼哭不止。則觸動氣海。氣動於中。則臍突於

外其狀突出。光浮如吹起者。捏之則微有聲。用亂髮燒灰。枯礬等分爲細末。敷突臍上。以膏藥貼之。自消。

不乳者。小兒生下二三日間。忽然不乳。當詳察之。勿以不乳作臍風治。蓋臍風有多啼撮口之證。此則無之。但不乳耳。有乳之作吐者。或因拭口不淨。惡穢入腹也。宜用檳榔木香甘草煎湯與服。如啼哭不乳者。腹痛也。亦胎寒之證。宜木香丁香乳香當歸甘草煎湯與服。如無以上諸證。無故不乳。宜問其母之乳汁多少。乳多者。傷乳也。宜少節之。不久自思乳矣。少者必有他證。細心察之。

胎黃者。兒生下面目渾身皆黃如金色。或目閉。身上壯熱。大便不通。小便如梔子汁。皮膚生瘡。不思乳食。啼哭不止。此胎中受濕熱也。宜茵陳地黃湯。母子同服。以黃退爲度。

胎肥者。兒生下遍身肌厚。肉色通紅。面色亦紅。而黑睛多。時時生痰。自滿月以後。漸漸肌瘦。五心熱。而大便難。目睛粉紅色。此名胎肥。是亦在胎時。母食肥甘。濕熱大過。流

入胞中。以致形質虛肥。血分壅熱也。加減大連翹飲。外以浴體法浴之。

胎怯者。生下面無精光。肌肉瘦薄。大便白而身無血色。目無精彩。時時哽氣多穢者。此

即胎怯也。非育於父母之暮年。即生於產多之孕婦。成胎之際。元精既已澆漓。受胎

之後。氣血復難長養。以致生來怯弱。若後天調理得宜者。十可保全一二。調元散助

之。

選方 指迷七氣湯 一切腹痛寒熱。多啼不乳等證。並宜用此方。以疎利臟腑。廣

陳皮 杭青皮 藿香葉 牙桔梗 蓬莪朮 香附米 法半夏 上肉桂 公

丁香 益智仁 老生薑 大紅棗 炙甘草 右咬咀水二碗。煎至一碗。母子同

服。

助胃膏 治胎寒內釣。胃氣虛弱。胸脇脹滿。呢乳便青。白荳蔻 肉荳蔻麪包煨去油

官揀參 廣木香 各兩五錢 公丁香 三錢 藿香葉 雲茯苓 漂白朮 土炒 眞青桂

西砂仁 炙甘草 各一兩 廣陳皮 一兩二錢 洋沉香 三錢 淮山藥 一兩五錢

沉瀝丹

音亢械北斗夜出  
所降之甘露也

治小兒一切胎毒胎熱胎黃面赤目閉鵝口口瘡重舌木

舌喉閉乳蛾渾身壯熱小便黃赤大便閉結麻疹斑瘰遊風癬疥流丹癰疹痰食風

熱疔腮面腫十種火丹諸般風搖神效 杭川芎九錢酒製錦莊黃九錢酒蒸厚黃芩九

錢酒炒黃柏九錢酒炒黑牽牛炒取頭末六錢薄荷葉四錢五分滑石粉水飛六錢尖檳榔七錢五分陳

枳殼四錢五分淨連翹除去心膈取淨六錢京赤芍六錢右十味依方炮製和勻焙燥研極細

末煉蜜丸芡實大月內兒每服一丸稍大者二丸俱用茶湯化服乳母切忌油膩但

覺微有泄瀉則藥力行病即減矣如不泄再服之重病每日三服以愈為度此方並

不峻厲母無疑畏惟胎寒胎怯青面白忌之

天麻丸 治胎搖先以此丸通其經絡次服地黃丸 明天麻薑製法半夏 北防風

川羌活 牛膽星 眞僵蠶 北全蝎 各五錢 右為末蜜丸芡實大每一丸鈎

藤湯下

六味地黃丸 大懷地四兩以西砂仁一兩不必搗碎生薑二兩切片縫一小夏布袋盛此二味同地黃入砂鍋以水煮兩晝夜方入好酒煮二晝夜



以地黃糜爛為度。取起其袋不用。以地黃搗膏。聽用白茯苓二兩乳汁蒸晒。懷山藥三兩乳汁蒸。淨棗皮二兩研粉。丹皮一兩酒炒。

宣澤瀉一兩鹽右依炮製和勻。一處焙燥。研為細末。和前地黃膏。少加煉蜜。石臼

內杵勻。重一錢。一顆半。週一歲者。用一丸。三五歲者。二丸。俱空腹鹽湯化下。倘丸未備。即以前藥十分之一。但宜炮製。不可生用。水煎服之。名六味地黃湯。功效更捷。

調中散 治嬰孩盤腸氣。腹內作痛。青木香 川棟子 暗沒藥 白茯苓 上青

桂 杭青皮 萊服子 陳枳殼 尖檳榔 炙甘草 右等分入葱白二寸鹽一

錢水煎空心服

茵陳地黃湯 治小兒初誕。面黃。渾身其黃如金。胎中受濕熱也。懷生地 京赤芍

正川芎 大當歸 天花粉 赤茯苓 結猪苓 茵陳蒿 宣澤瀉 諸藥隨時

定分兩。水煎。母子同服。

大連翹飲 治胎肥。解熱毒。淨連翹 瞿麥穗 白滑石 牛蒡子 車前子 川

木通 北防風 炒梔仁 片黃芩 荆芥穗 大當歸 北柴胡 京赤芍 淨

蟬蛻 炙甘草 右竹葉十片。燈心十莖。水煎熱服。

浴體法

治胎肥

明天麻二錢

淨全蝎

去毒箭硃砂

各五分

烏蛇肉

酒浸枯白礬

洋青黛各二錢 真麝香一分

共研勻。每用三錢水三碗。桃枝一握。同煎十沸。溫

熱浴之。但勿浴背。

調元散

治胎怯

揀人參

漂白朮

白茯苓

化橘紅

大當歸

甘枸杞

炙

甘草各二錢 陳粳米三合

右爲末。每服二三錢。龍眼煎湯調下。

八味地黃丸

治稟受先天不足。凡齒遲。語遲。行遲。顛門不開。大腎疳等證。或脾土虛寒。

不思乳食。臍腹疼痛。夜多旋溺。前六味地黃丸。加青花桂一兩。熟川附一兩。水煎。名

八味地黃湯。乳母肥白者。宜母子同服。

●誤搖選方

桂枝葛根湯

治傷風。項背強。身熱。自汗。柔痙。

嫩桂枝一錢。白芍藥一錢五分。粉乾葛

一錢五分。老生薑一錢。大紅棗三枚。炙甘草一錢。右水煎熱服。

桂枝加川芎防風湯 治發熱自汗柔痙。比前方藥性微輕。 嫩桂一錢五分白芍藥二

錢北防風一錢正川芎 老生薑各一錢 大紅棗三枚炙甘草一錢 右水煎熱服。此

方不特治痙。凡小兒外感。初起發熱。不論有汗無汗。皆宜用之。效捷桴鼓。人所未識。

柴胡加防風湯 治汗後不解。乍靜乍躁。目直視。口噤。往來寒熱。 官揀參七分北柴

胡一錢片黃芩一錢製半夏一錢 北防風一錢炙甘草五分老生薑三片大紅棗三

枚 水煎熱服。

防風當歸湯 治發汗過多。發熱頭面搖動。口噤。背反張。 北防風一錢五分當歸身二

錢正川芎一錢大生地一錢五分 右水煎熱服。

瓜蒌根桂枝湯 治太陽頭痛。身熱。身體頸項俱強。無汗為剛痙。 瓜蒌根一錢五分嫩

桂枝一錢五分老生薑一錢紅棗三枚炙甘草一錢白芍藥一錢五分右水煎熱服。

羚羊角散 治剛痙身熱無汗。頭強直。四肢疼痛。煩燥心悸。臥睡不寧。 羚羊角屑真

犀角屑北防風 白茯苓 陳枳殼 大麥冬 去心 官揀參 粉乾葛 熟石膏

炙甘草 已上各七錢五分 眞龍齒 煨二錢五分 右研粗末。每用三錢。水一盞。煎至半盞。去渣溫服。不拘服。

附子散 治陰瘧手足厥冷。筋脈拘急。汗出不止。頭直頭搖口噤。此由多汗亡陽也。

青化桂 七分 川附片 七分 漂白朮 一錢五分 正川芎 一錢 川獨活 八分 大紅棗 五枚

右水煎溫冷服

當歸四逆湯 治小兒虛血體弱。寒邪傷榮。以致眼目翻上。身體反張。當歸身 嫩

桂枝 杭白芍 以上各三錢 川木通 炙甘草 以上各二錢 北細辛 一錢 大紅棗 五枚 右水煎

熱服。

以上所選之方。原爲誤搖病瘧而設。其下類搖十條。證候不同。各隨本門用方。不得與誤搖混同論治。

●類搖。卽幼科所云驚風餘證者是也。原非小兒固有。由遷延而至。故名類搖。如暑證瘧痢。咳嗽丹毒。瘡痘。霍亂。客忤中惡等症。是也。但能識證詳確。則一藥可愈。

(一)暑證 初起面垢身熱自汗煩燥不安唇舌均赤氣出如火小便赤濇口中大渴此證常見春秋藜藿之兒多有之。

選方 却暑丹 治小兒傷暑誤用風藥致心神昏悶煩煩不安甚則搖擲 漂白朮

五錢 白茯苓 五錢 潔猪苓 五錢 宣澤瀉 五錢 青化桂 二錢 片茯苓 五錢 正川連 三錢

鏡辰砂 二錢 炙甘草 五錢 右爲細末煉蜜丸芡實大每服二三丸量兒大小加減

麥冬湯化服或十中一取煎服亦可。

(二)瘧疾 經曰夏傷於暑秋必痲疾。其證初起呵欠懶悶發熱口渴面帶黃白頭額

有汗一哭即出其熱漸退二三分不久即熱如故喉內痰鳴一哭即嘔嘔則痰出每日如此者即瘧疾也爲世人誤認驚風輕施鎮墜以致正邪激搏榮衛遲留陽欲入裏陰內阻之陰欲出表陽外遏之以致性情憤亂臨瘧而搐宜清脾飲解之其搐自止。

選方 清脾飲 治小兒熱瘧作搐不必治搐惟治其瘧 杭青皮 一錢 製半夏 一錢

枯黃芩一錢 草果仁五分 白雲苓一錢 北柴胡一錢 眞陳皮一錢 漂白朮一錢 川厚朴一錢 炙甘草五分 生薑三片 大棗三枚 右水煎熱服

(三)痢疾 經曰。飲食不節。起居不時。陰受之則入五臟。下爲飧泄。久爲腸癖。其證初起。眉皺多啼。煩躁不安。裏急後重。數至圞而不能便。或赤白相兼。或單紅單白。是也。

選方 沈瀼丹 方見前。

三仙丹 治小兒縱口飲啖。食物過多。有形之物。填塞腸胃之間。不能轉運傳送。發熱不退。眼閉難開。人事昏沉。四肢攤軟。五靈脂二兩 南木香五錢 巴豆仁四十粒

右將靈脂木香。研爲細末。聽用以巴豆剝去壳。取淨肉四十粒。去其肉上嫩皮。紙包水溼。入慢火中煨極熟。取起。另用綿紙包之。緩緩搥去其油紙。溼則另換。以成白粉爲度。謂之巴霜。與前二水熱煎服。

沉香安神丸 治內因客忤 官揀參一錢 漂白朮 眞廣皮 陳枳壳 牙桔梗

青礞石煨各五錢 炙甘草 上沉香各一錢 鏡辰砂飛一錢 眞川連一錢五分 右共爲

細末。蜜丸。芡實大。每一二丸。麥冬湯下。

(四)中惡 此證比之客忤為更甚。蓋客忤無非外來人畜不正之氣。中惡則中惡毒之氣。如老板朽腐。淫祠古樹。冷廟枯井。敗屋陰溝。皆有惡毒之氣。小兒觸之。從鼻而入。肺先受之。又如毒蕈河豚。瘟牛疫馬。自死六畜。併水雞蝦蚌之類。自口而入。則腸胃受之。二症俱宜霹靂散搐其鼻。令其噴嚏。俟毒氣已出。然后用藥。死者用返魂湯。中毒物死者。用雄黃解毒丸下去之。

選方 霹靂散 治中惡卒死。併一切卒暴之氣。猪牙皂三分。北細辛五分。大川芎

五分。香白芷五分。躑躅花半分。明雄黃二分。真麝香半分。右為細末。每少許以燈

心三寸長。入點鼻孔內。以得噴嚏為驗。

返魂湯 治中惡卒死。淨麻黃去節一錢。光杏仁去皮七個。炙甘草一錢。右葱白三寸

水一盞。煎半盞。分數次服。

(五)咳嗽 經曰。咳嗽上氣。厥在胸中。過在手陽明太陰。其症初起。面赤唇紅。氣粗發熱。

咳來痰鳴。或眼泡微浮。額上汗出。此外感風寒。急宜疎解。

選方 金粟丹 專治疎風化痰。清火降氣。併治咳嗽上氣。喘急不定。嗽聲不轉。眼翻

手搖。凡諸家截風定搐之方。皆不及此方之聖。倘前醫用藥不當。誤而致搐。昏沉不

醒。卽以全身燈火醒之。用此丸一服卽痊。 九製牛膽南星 二兩 明天麻 一兩 薑 節

白符土 一兩 淨全蝎 其鹽泥晒乾 一兩 炒 明乳香 二兩 代赭石 火煨紅 以好醋 淬

乾一兩 直僵蠶 炒去絲 赤金箔 五十張 眞麝香 二分 梅花片 三分 右共爲細末 煉蜜

爲丸。皂角子大。貼以金箔。每用一丸。姜湯化服。此方比抱龍金液保命至寶定命等

方。功效倍十百。惟虛寒之痰。無根之氣。絕脫之症。不可用之。以其降令重也。

製南星法 川南生星半斤。研極細末。盛於碗內。取牛膽一枚。傾出膽汁於碗內。將南

星末和勻。裝入膽皮之內。懸有風無日之處。俟其陰乾。再取一膽。將前剖破。取出南

星研末。乃用新膽和勻。裝入內挂之。能裝過九膽。洵爲至寶。任彼真正牛黃。莫能及

此。且今之牛黃。決無眞者。若市肆膽星一膽而已。何可用。



(六)丹毒 其症由心火熾甚。熱與血搏。或起於手足。或發於頭面胸背。游移上下。其熱如火赤如丹砂。形如錦文。其痛非凡。自胸腹起而散於四肢者易治。自四肢而入腹者難治。

選方 當服沈瀼丹 方見前。

(七)瘡癰 瘡癰疥癬。小兒獨多。由胎毒淫火使然。治之者宜清熱解毒。使之外出可也。

選方 雄黃解毒丸 治瘡瘍毒氣內攻。腹脹便閉。身無血色。目閉不開。併能解一切瘡疥之毒。更可下痰。追蟲打積。明雄黃一錢。川鬱金一錢。巴豆霜一錢。右為細末。醋打米糊為丸。菉豆大。每服三五丸。白湯送下。以利為度。

(八)痘瘡 痘稟先天胎元之毒。遇時行而即發。其症初起。兩眼含淚。珠如水晶。鼻出粗氣。睡中驚惕。兩耳紋現。惡熱不惡寒。痘症也。

選方 人參敗毒散 治四時感冒併痘瘡。川羌活七分。川獨活五分。北柴胡五分。信前胡四分。正川芎五分。白雲苓五分。真枳殼五分。牙桔梗五分。上揀參三分。炙甘

草四分 右薑一片。棗一枚。水煎熱服。

導赤散 此清心經之熱。從小便而出。大生地三錢。川木通一錢。生甘草。右作一

劑。竹葉七片爲引。水煎臨服。加硃砂一分調服。

雄黃解毒丸 方見瘡瘍

(九) 霍亂

選方 藿香正氣散 治內傷脾胃外感風寒吐瀉霍亂等症 藿香梗 家蘇葉

大腹皮真廣皮 牙桔梗 白雲苓 法半夏 六神麵 香白芷 以上各一錢川

厚朴 炙甘草各五分 右作一劑。生薑三片。大棗三枚。水煎溫服。

(十) 客忤 小兒客忤。由兒真元不足。神氣未充。故外邪客氣。得以乘之。經曰。邪之所湊。

服。其氣必虛。不治其虛。安問其餘。忤者。謂外來人畜之氣。忤觸其兒之正氣也。其證。口吐青黃白沫。面色變異。喘急。腹痛。反側不安。手足癱瘓。第此症神不昏亂爲異。

選方 塗顛法 揣治客忤等症。灶心土一錢。明雄黃五分。真麝香半分。右共爲

細末。棗肉和勻。捏作一餅子。照顙門寬窄為樣。以餅貼顙上。取艾絨作豆大一粒。灸三炷即止。

搐鼻法 治傷寒傷風。頭目不清。併治客忤。正川芎 藿香葉 鮮藜蘆 各三錢 玄

胡索 粉丹皮 鏡辰砂 飛各二錢 右共為細末。以少許吹入鼻中。得嚏則邪氣出

矣。

攝生飲 治一切卒中大小科同。製南星 南木香 法半夏各一錢五分 北細辛

漂蒼朮 石菖蒲 炙甘草各一錢 右作一劑。生薑三片。

●非搐即幼科之慢驚風。慢脾風者是也。

(一瀉吐)

選方 六君子湯 治小兒吐瀉之後。脾胃大傷。或大病之後。不思乳食。一切久病中

氣虛寒並治之。

官桂 一錢 漂白朮 二錢 白雲苓 一錢 五分 法半夏 真廣皮 各五分 炙甘草 一錢 右作一

劑煨薑三片紅棗三枚早米一撮水煎溫服四肢厥冷加炮薑甚者加附子五分手足搐掣加青化桂七分鉤藤一錢

理中湯 方見傷寒

逐寒蕩驚湯 專治小兒氣體本虛或久病不愈或痘後疹後或誤服寒涼泄瀉嘔吐轉爲慢驚此方能開寒痰寬胸膈止嘔吐蕩驚邪一二劑後嘔吐漸止卽其驗也

胡椒

炮薑

肉桂各一錢丁香十粒

右四味研爲細末以竈心土三兩煮水澄

極清煎藥大半茶杯頻頻灌之接服後方定獲奇效

加味理中地黃湯

熟地五錢焦朮一錢

黨參

當歸

炙芪

故紙

棗仁

炒研

枸杞各二錢

炮薑

黃肉

炙草

肉桂一錢

右以生薑三片紅棗三枚胡桃兩

個打碎爲引仍用竈心土二兩煮水煎藥取濃汁一茶杯加附子五分煎水攪入量兒大小分數次灌之如嘔吐不止加粟殼一錢金櫻子一錢大熱不退加白芍一錢泄瀉不止加丁香只服一劑卽去附子止用丁香七粒隔二三日止用附子二三分

此方治小兒慢驚。稱為神劑。又方。如鄉村製藥不及。急取雞鴨窩糞。泥下淨土。一撮。數十年老窩下者尤佳。煎水服立愈。屢試如神。

(二)大驚卒恐。內經日間篇曰。大驚卒恐。則氣血分離。陰陽破散。經絡厥絕。脈道不通。陰陽相逆。經脈空虛。血氣不調。乃失其常。此內經概言受驚之病。有如此。矧小兒氣血。尤非大人之比。若受大驚卒恐。則其神氣失散。愼亂不堪。何實邪之有。今幼科諸方。皆以大驚之證。例作急驚。誤亦甚矣。

選方 安神丸 原治心血虛。而睡中驚。惕并治大驚卒恐。官揀參 淨棗仁 白

茯苓 法半夏 以上各一錢 大當歸 杭白芍 小枳實 各七分 北五味 七粒 炙甘草

五分 右 為細末。煉蜜丸。芡實大。每服一丸。生薑湯化下。

團參散 治心虛血熱。自汗盜汗。并治大驚卒恐。官揀參 白當歸 等分 右為細

末。用獷猪心一個。切作三片。每以藥末一錢。用猪心一片。煎湯調服。

獨參湯 治氣虛氣脫。神散魂離。以此亟救元陽。官揀參不拘多少。同炒米煨薑與

紅棗濃煎湯。徐徐飲之。實有氣死回生之力。

附急驚風方

清熱鎮驚湯 連翹 去心研柴胡 地骨皮 龍膽草 鉤藤 黃連 梔仁 炒黑酒

芩 麥冬 去心木通 赤苓 去皮車前子 枳實 炒各四分 甘草 薄荷 各二分滑

石末 八分 燈心 一團 淡竹葉 三片 右水煎分數次服。凡急驚初起。宜服此劑。如服

後痰熱未除者。以後二方隨用一方。泄一二次即愈。若此方已效。後方即不必服。

加減涼膈散 連翹 酒苓 梔仁 炒黑枳實 炒前胡 各五分 大黃酒炒一錢 薄荷 甘

草 各二分 右水煎分數次服。泄一二次。痰熱自退。已泄則不必服。

宣風散 陳皮 去白為末 檳榔末 各五錢 甘草末 二錢五分 黑牽牛 四兩半生半炒取頭

右共和勻。一歲以下。服三分。二歲以上。服五分。五歲以上。服七分。俱用蜜水調服。微

泄一二次為妙。已泄則不必服。

天保采薇湯 專治急驚神效 羌活 獨活 蒼朮 前胡 升麻 葛根 陳皮

厚樸 甘草 黃芩 川芎 柴胡 桔梗 半夏 枳壳 藿香 芍藥 各五分

分 右薑棗引水煎服 又方 龍眼殼 十二以帶栗色為佳深黃者忌用 細茶三錢 陳皮三錢 薑

皮三分 白鹽三分 右用水一碗煎至五六分灌入口內忽然發戰其兒必生雖已

死可活方名開棺斧 又方 生車前草並子搗爛瀝汁對白蜜滾水令服其風即

止屢試神效如無生車前草即用車前子煎湯調蜜服亦可 又方 生石膏 一兩

辰砂一錢 右各研末和勻大人每服一錢小兒一歲至三歲服五分以次遞加生

蜜調下 又方 明雄黃五錢 砂仁六分 梔子五枚炒 冰片五釐 右共為細末以

雞蛋清調敷腹部四圍如碗口大安臍眼入麝香五釐上用綿紙蓋好再以輭綿紮

之一晝夜後溫水洗去神效 又方 甜杏仁六粒 桃仁六粒 黃梔子七個 右藥

研爛加燒酒雞蛋清白乾麵量兒年歲作丸如元宵樣大小置於手足二心布條紮

緊一週時手足心均青藍色則病已除但須切記男左女右不可錯置 又方 取

芙蓉嫩葉男單女雙搗爛用雞蛋和入煎熟作餅貼兒臍上冷則隨換立愈

二 疫證

小兒感冒風寒癘痢等證。人所易知。一染時疫。人所難窺。所以常誤者良多。蓋幼科詳於痘疹吐瀉驚疳。併諸雜症。若傷寒時疫。略之至也。

太極丸 凡疫癘流行之時。小兒作熱。卽是時疫。乍有眼目上竄。角弓反張。手足搐掣。不可誤認驚風。可俱以時疫治之自愈。天竺黃五錢。膽南星五錢。酒大黃二錢。眞

麝香三錢。眞麝香二分。梅花片二分。右共爲細末。煉蜜丸。芡實大。硃砂爲衣。凡遇疫證。薑湯化服。一丸神效。

(一) 痢疾

選方 消風散 凡治小兒諸般痢證。先取此丸七服。此非治痢之藥。用以疎散外感。開通經絡。庶幾藥得以流通故耳。南薄荷 川羌活 川獨活 北防風 明天麻 荆芥穗 正川芎 北細辛 以上俱一錢。膽南星二錢。右共爲細末。煉蜜爲丸。重一錢一顆。每日一丸。薄荷蘇葉煎湯化服。服完七服。方服后藥。



定癩丸 治小兒癩症。從前攻伐太過。致中氣虛衰。脾不運化。津液化痰。偶有所觸。則

昏暈卒倒。良久方甦。官揀參片一兩切。漂白朮片一兩五錢切。白雲苓一兩切。薑一兩切。真廣

皮一兩。法半夏一兩。石菖蒲五錢。取白當歸一兩。洗自切。青化桂五錢。去皮。杭白芍一兩。白

蔻仁一兩。漂蒼朮一兩。用黑五錢。真龍齒一兩。火煨。醋淬。研末。赤金箔十張。鏡

面砂三錢。研末。水飛。曬乾。聽用。右藥各依分兩製過。合為一處焙乾。研細末。篩過煉蜜為丸。龍

眼核大。以硃砂為衣。貼以金箔。曬乾。以磁瓶收貯。每日早午晚。各服一丸。薑湯化服。

癩症未久者。服此。倘年深日久者。早服河車八味丸。午晚服此。無力備參者。不用亦

可。

河車八味丸 治小兒癩證。年深日遠。肝腎已虧。脾肺不足。心血耗散。證候不時舉發。

紫河車一個。頭生男者。用白礬煎湯揉洗極淨。用薑汁同酒煮爛。大生地三兩。薑汁炒。淨棗皮二兩。粉丹皮五錢。酒炒。

宣澤瀉五錢。鹽錢。嫩鹿茸二兩。切。白雲苓一兩。五錢。淮山藥二兩。五錢。川熟附七錢。五錢。分

青化桂七錢。五分。北五味一兩。去。大麥冬一兩。去。心。右藥依法炮製。和為一丸。焙

極乾。研爲細末。煉蜜爲丸。龍眼核大。每早一丸。用淡淡鹽湯化服。以飲食壓之。午及

臨臥。各用前定痢丸一服。

消風丸。凡疎通腠理。清解表邪。啟發毛皮。流利經絡。病之初起者用之。方見前

金粟丹。凡開關通竅。下氣利痰。醒昏定痙。一切危急者用之。方見咳嗽

沈瀝丹。凡通滯清熱。降火利膈。解胎毒。去積熱。通利二便。用之。方見胎疾

瀉青丸。凡退熱血。平肝清表裏。定痙搐。解煩退熱。表裏兩急者用之。方見啼哭

理中丸。凡脾虛中寒。面青腹痛。寒嘔寒瀉。四肢厥冷。一切虛寒者用之。方見傷寒

之理中湯。加減分兩炒研蜜丸。卽理中丸。

二仙丹。凡飲食過多。有形之物。填塞中焦。及痢疾大便不通。一切宜攻下者用之。

方見痢疾

太極丸。凡遇年歲疫癘流行。小兒發熱昏沉。甚至作搐者。時疫也。宜用此。方見疫

證。

以上七方皆宜預為修製。以備急需。凡古方截風定搐之藥。無所用之。不必留意。

(二) 傷寒

選方 桂枝防風湯 治半週一歲。以至三五歲。幼兒傷寒。初起時寒發熱。體面黃或

面白喘急。口中氣熱。呵欠頓悶。速以此方解散肌肉之邪。此方有汗能上。無汗能發。

不致過汗亡陽。為幼科解表之第一方。嫩桂枝一錢五分。杭白芍一錢。北防風一錢五

分。老生薑一錢。大紅棗五枚。炙甘草一錢。右作一劑。水煎熱服。有痰加北芥子

一錢。有嘔吐加陳皮半夏各一錢。熱多加柴胡一錢。胸緊氣急加枳殼桔梗各一錢。

小柴胡湯加大黃。治小兒裏熱惡熱。出頭露面。揚手擲足。煩渴燥糞。掀衣氣粗。微利

之。宣揀參七分。北柴胡一錢五分。片黃芩一錢。法半夏一錢。炙甘草五分。錦莊黃一

錢。右生薑三片為引。水煎熱服。

理中湯 治陰證裏虛。頭額冷。手足冷。口中氣冷。面色闇淡。大便泄青。官揀參二錢。

白漂芍二錢。炮薑炭一錢五分。炙甘草一錢。右大棗三枚為引。水煎濃。涼冷服。

柴胡白虎湯 治表裏皆熱。大熱。大渴。自汗。官揀參一錢。熟石膏二錢。淨知母一錢。

北柴胡一錢。炙甘草一錢。右合一劑。用早粳米一撮爲引。水煎熱服。

大柴胡湯 治夾食傷寒。其證壯熱頭痛。噎氣腹脹。大便酸臭。延綿不解。北柴胡一

錢五分。錦莊黃一錢。法半夏一錢。赤芍藥一錢。小枳實一錢二分。右生薑一片。大棗

一枚爲引。水煎熱服。

惺惺散 治小兒真元不足。氣血怯弱。內傷外感。熱不能受。官揀參一錢。漂白朮一

錢五分。白雲苓一錢。白芍藥一錢。牙桔梗一錢。北細辛五分。天花粉一錢。酒炒正川芎

一錢。北防風一錢。右生薑三片。紅棗三枚爲引。水煎熱服。

麻黃湯 治太陽經寒傷榮發熱。無汗惡寒。淨麻黃。嫩桂枝。光杏仁。炙甘草

右各等分水煎熱服。

桂枝湯 治太陽經風傷衛發熱。自汗惡風。嫩桂枝一錢五分。杭白芍二錢。老生薑一

錢五分。大紅棗五枚。炙甘草一錢。右水煎熱服。

大青龍湯

治太陽證見風脈

淨麻黃二錢熟石膏二錢嫩桂枝一錢光杏仁五枚

炙甘草四錢老生薑二錢大紅棗兩枚右水煎溫服

小青龙湯

治表不解心下有水氣干嘔或咳或噎或喘

淨麻黃嫩桂枝白芍

藥

製半夏已上各一錢二分炙甘草五分白干薑五分北細辛五分北五味十二粒右

水煎溫涼得所徐服

葛根湯

治陽明胃經目痛鼻乾不眠

粉葛根一錢五分紅芍藥六分嫩桂枝六分炙

甘草

六分淨麻黃去節一錢鮮葱白二莖老生薑三片大紅棗一枚

右水煎熱服如

惡寒加麻黃惡風加桂枝如正陽明腑病不惡寒有汗而渴當用白虎湯

升麻葛根湯

治邪在陽明經無汗惡寒發熱

綠升麻粉干葛赤芍藥炙甘

草右水煎熱服

小柴胡湯

治少陽膽經耳聾脇痛寒熱往來口舌

北柴胡三錢官揀參片黃芩

法半夏

炙甘草各錢

右薑一片棗一枚為引水煎服

法半夏

炙甘草各錢

右薑一片棗一枚為引水煎服

大柴胡湯 治表證未除。裏之證又急。汗下兼行。北柴胡一錢五分。片黃芩一錢。白芍

藥一錢。法半夏八分。錦莊黃七分。小枳實四分。老生薑三片。大紅棗一枚。右水煎

空心熱服。

白虎湯 治身熱大渴而有汗。脈洪大者。無渴者不宜。熱石膏三錢。淨知母二錢。炙

甘草二錢。晚粳米一撮。右水濃煎熱服。

調胃承氣湯 治太陽陽明不惡寒。反惡熱。大便秘結而嘔。日晡潮熱。錦莊黃三錢

白芒硝二錢。炙甘草二錢。生薑五片。右水煎熱服。

大承氣湯 治陽明太陰。譫語五六日。不大便。腹痛煩渴。并少陰。舌乾口燥。日晡發熱。

脈沉實者。錦莊黃五錢。川厚朴二錢。小枳實二錢。白芒硝三錢。老生薑五片。右

水煎滾熱服。

小君氣湯 治六七日不大便。腹脹滿悶。病在太陰。無汗證。汗後不惡寒。潮熱狂言而

喘。錦莊黃二分。川厚朴二分。小枳實二分。右水煎濃熱服。

桃仁承氣湯 治外證已解小便急大便黑小便利為瘀血證 錦莊黃二錢五分白芒

硝一錢五分嫩桂枝二錢 光桃仁十粒炙甘草二錢 右水煎空心熱服凡用三承氣

湯須以手按病人自胸至小腹果有硬處手不可近又看其舌之燥滑何如然後分

別當急下者宜大承氣湯可少與者宜小承氣湯宜微和胃氣者宜調胃承氣湯此以仲景聖法之用

也。

小建中湯 治傷寒腹中急痛陰陽相乖 嫩桂枝一錢白芍藥二錢炙甘草一錢新

飴糖五匙右老生薑五片大紅棗三枚淨水煎濃半飢服。

黃耆建中湯 治傷寒汗後身痛脈遲弱者 炙黃耆一錢五分炒白芍二錢青化桂一

錢炙甘草一錢老生薑五片大紅棗五枚 右煎好入飴糖二匙再煎沸服若微泄

或嘔者皆不用。

理中湯 治太陽即病自利不渴寒多腹痛 人參片二錢 漂白朮二錢 炮干薑一錢

炙甘草一錢 右水濃煎須待溫涼徐服。

眞武湯 治汗發過多。心下悸。頭眩身瞶。振振欲避地者。熟附子二錢。白芍藥二錢。

白雲苓二錢。漂白朮一錢五分。老生薑二錢。右水濃煎。溫涼得中服。

白通湯 治少陰下利無脈。熟附子三錢。白乾薑一錢五分。鮮葱白三莖。右水濃煎。

冷服。

麻黃附子細辛湯 治少陰病始得發。熱脈沉。淨麻黃三錢。熟附子三錢。北細辛一

錢。右水煎濃。溫涼服之。

四逆湯 治陽氣亢極。血脈不通。四肢厥逆。在臂脛之下。若陰證則上過乎肘。下過乎

膝矣。北柴胡。白芍藥。小枳實。炙甘草等分。右水濃煎。熱服。

甘草瀉心湯 治呃逆脈洪大。心火上莽。肺不得納。炙甘草二錢。正川連五分。法半

夏一錢。片黃芩一錢。官揀參一錢。白干薑一錢。老生薑一錢。大紅棗五枚。右水濃

煎。兌人參湯服。

玄參升麻湯 治發癍咽喉痛。黑玄參一錢五分。綠升麻一錢。炙甘草一錢。右水濃



煎熱服。

陽毒升麻湯 治赤癩狂言吐膿血 綠升麻一錢五分眞犀角一錢鮮射干一錢片黃

芩一錢官揀參二錢炙甘草八分 右水濃煎兌人參湯熱服。

黃連犀角湯 服桃仁湯後服此 眞犀角三錢正川連二錢肥烏梅四個南木香三

分 右水濃煎磨木香冲服。

牛蒡根湯 治發汗不透餘毒在心包絡今瘥後昏沉甚至手足搐搦或寒或熱 牛

蒡根 淨麻黃 川牛膝 製南星各六錢 右爲末每服五分好酒調下每日三

服。

牡蠣澤瀉湯 治前證腰以下浮腫者 左牡蠣煨宣澤瀉 甜葶藶 天花粉等分

右爲細末每服一錢米飲調下。

黃龍湯 治發熱不退或寒熱往來 北柴胡三錢炒黃芩 赤芍藥 炙甘草各一

錢老生薑三大片大紅棗三枚 右爲引水煎熱服。

三 痘疹

順證氣血沖和。痘毒宜暢。精神素健。飲食如常。不必施治。險證氣血不舒。痘毒壅遏。或雜證攪摻。開落夫期。速宜施治。逆證痘毒凝結。氣血乾枯。怪證叢生。病不對藥。治之無功。五善一飲食如常。二大小便調。三瘡色紅活。皮厚堅實。四脈靜身涼。手足溫暖。五聲音清亮。動止安和。五者不能盡得。得一二亦自清吉。七惡一煩躁悶。亂譫妄恍惚。二嘔吐瀉痢。飲食不能。三黑陷焦枯。癢塌破爛。四頭面焮腫。鼻塌肩擡。目張唇裂。五喉舌潰爛。食入即嘔。飲水則噎。六寒顫咬牙。聲啞色黯。七脹腹喘促。四肢厥冷。七者不必皆有。有一二亦難為。七惡之外。又有渾身血泡。心腹刺痛。伏陷不起。便溺在血。菟衣撮空。是又卒死而不可救者。

選方 辰砂散 預解時行痘毒 鏡面砂 一錢研末水飛 乾絲瓜 近蒂三寸連皮帶子燒灰存 右研末

蜜水調分三次服。

三豆湯 預解痘毒不損元氣。紅飯豆一升 黑豆一升 鮮菉豆一升 生甘草三兩

右以三豆淘淨。甘草切碎。入雪水八升。若無雪水。以長流水代之。同煮豆熟為度。去甘草。將豆晒乾。又入原湯內。再浸再晒。汁盡為度。逐日取豆與兒食之。最解痘毒。代天宣化丸即下瘟丹。預解時行疫癘傳染。相似併治痘毒。人中黃。片黃芩。川

黃蘗。黑梔仁。雅黃連。鮮苦參。荊芥穗。北防風。淨連翹。山豆肉。牛

蒨子。家蘇葉。右前五味為君。其餘四味俱以為佐。為君之分兩。倍之為佐者。四

分之三。同研為末。取雪水煎升。麻湯加竹瀝在內。煮神麵糊為丸。龍眼核大。用辰砂

明雄黃為衣。每服一丸。竹葉湯下。

製人中黃法。取大甘草。不拘多少。納入竹筒中。緊塞其口。放在糞缸中。浸七七四十九

日。取起晒乾聽用。

八正散。治痘疹小便秘澀。淮木通。白滑石。小甘草。淨連翹。綠升麻。結

猪苓。赤茯苓。陳瞿麥。淡竹葉。各一錢。右燈心十莖水煎熱服。

通幽湯。治痘疹大便秘結。紫草茸。當歸尾。懷生地。火麻仁。陳枳殼。酒

大黃 尖檳榔 鮮紅花 桃仁泥 各等分 右生薑一片水煎熱服。

連翹升麻葛根湯 治痘毒不能盡發宜升托之。 淨連翹 綠升麻 粉甘葛 京

赤芍 芽桔根 酒黃芩 黑梔仁 淮木通 麥門冬 牛蒡子 白滑石 炙

甘草 右淡竹葉七片燈心十莖水煎熱服。

桂皮葛根湯 治痘疹初起傷風咳嗽自汗。 柳楊桂 京赤芍 粉乾葛 北防風

炙甘草 右生薑三片大棗三枚水煎服略暖蓋覆。

正氣散 治痘疹初起因傷於寒作熱無汗頭身痛肢強。 漂蒼朮 廣陳皮 川厚

朴 南木香 淨麻黃 柳楊桂 炙甘草 右生薑三片大棗一枚水煎溫服。

人參白虎湯 治痘疹初起夏月傷暑天熱煩躁作渴。 官揀參 淨知母 熟石膏

陳香薷 大麥冬 藿香葉 白扁豆 淡竹葉 炙甘草 右粳米一撮水煎

熱服。

四君子湯 治痘疹脾虛食少更多泄瀉。 官揀參 漂白朮 白雲苓 炙甘草

右生薑三片大棗三枚水煎服。

加味葛根湯 治痘初熱毒氣深重大熱眩暈。綠升麻 粉乾葛 京赤芍 炙甘

草 荆芥穗 北柴胡 牛蒡子 白桔梗 淨連翹 淮木通 北防風 右水

一碗淡竹葉一片如大便秘結加紫草紅花作渴加麥冬花粉復痛加酒大黃或秘

結亦用酒大黃解之。

解毒葛根湯 治痘疹初熱口渴不止。粉乾葛 天花粉 綠升麻 杭麥冬 懷

生地 酒黃芩 粉甘草 茅根汁 右水煎諸藥熟以茅根汁兌服。

導赤散 治痘初起發熱作搐。大生地 淮木通 蘇薄荷 北防風 炙甘草

鏡面砂 另研 右燈心十莖水煎辰砂末調服。

瀉毒導赤散 治痘應出不出而作搐。當歸尾 淮木通 黑梔仁 川羌活 北

防風 小川芎 酒黃連 生甘草 右淡竹葉七片燈心十莖以竹瀝兌服。

麥冬導赤散 治搐搦後心煩啼叫不寧。淮木通 杭麥冬 黑梔仁 甘草 生用

右燈心十莖水煎服。

寧神湯 治痘後作搨搐至危之候。石菖蒲 白茯苓 黑梔仁 川雅連 淮木

通 官揀參 炙甘草 右燈心十莖水煎入竹瀝人參湯兌服。

抱龍丸 合前寧神湯治痘後搐搦。膽南星四錢 天竺黃五分 真牛黃二分 明雄黃

五分 鏡面砂二分 右共為細末 甘草煎濃湯煮麵糊為丸 忌用麝香。

導赤散 治痘毒內攻神色不清或譫妄狂惑。官揀參 正雅連 黑梔仁 漂白

朮 淮木通 大麥冬 辰砂另研 右燈心十莖水煎入竹瀝調辰砂末服之。

紫葛桂枝湯 治痘將出而憎寒振戰此毒氣留連於腠理間也。北柴胡 粉乾葛

川羌活 大揀參 北防風 嫩桂枝 牛蒡子 炙甘草 右淡竹葉十片水

煎調服。

麻黃解毒湯 治痘未行發熱不退腠理閉塞及風寒外遏不出。陳麻黃去根節蜜酒煮黑

川羌活 綠升麻 荊芥穗 粉乾葛 北防風 淨蟬蛻 芽桔梗 牛蒡子

炙甘草 右水煎服。

托裏十補湯 治痘因泄瀉毒氣內陷不出。 官揀參 炙黃耆 當歸身 柴川朴

芽桔梗 青化桂 正川芎 北防風 香白芷 炙甘草 右水煎調牛蒡子

末服。

消毒快斑湯 治痘未期而出毒氣太甚。 芽桔梗 荆芥穗 北防風 京赤芍

炙黃耆 牛蒡子 當歸尾 玄參 淨連翹 信前胡 淮木通 天花粉 炙

甘草 右水煎熱服。

增損八物湯 治痘過期而出氣血虛弱。 官揀參 漂白朮 炙黃耆 白當歸

正川芎 牛蒡子 荆芥穗 京赤芍 淨連翹 北防風 芽桔梗 粉乾葛

炙甘草 右水煎不拘時熱服。

加減參蘇飲 治痘應出不出。 官揀參 家蘇葉 粉乾葛 廣陳皮 信前胡

香白芷 甜桔梗 陳枳殼 川羌活 北防風 炙甘草 右竹葉十片水煎服。

消斑承氣湯 治痘因毒火鬱遏。應出不出。大便秘結。宜下之。錦莊黃 陳枳殼

川厚朴 片黃芩 川黃蘗 黑梔仁 淨連翹 淮木通 炙甘草 右生薑三

片水煎熱服。熱甚加芒硝紫草。

固陽散火湯 治痘出色艷而赤。切防癢塌。官揀參 炙黃耆 炙甘草 綠升麻

當歸尾 北防風 懷生地 淮木通 荊芥穗 右大棗二枚水煎服。

涼江解毒湯 治痘出頭焦帶黑。血分有毒。防變黑陷。京赤芍 當歸尾 懷生地

淮木通 牛蒡子 淨連翹 紫草茸 芽桔梗 鮮紅花 山豆根 生甘草

右水煎服。

鼠黏子湯 治痘出咽喉作痛。鮮射干 芽桔梗 淨連翹 牛蒡子 生甘草

右水煎入竹瀝和勻服。

黃蘗膏 治出痘預護其眼。免致痘瘡入目。厚川蘗 一兩 粉甘草 二兩 右二味研

為細末。用新菘豆五合。汲新水三碗。浸豆一晝夜。去豆入紅花一兩煮之。其水約減



二盞。又去紅花然後入煎。二藥慢火熬成膏。每用敷眼胞上下厚塗之。則痘瘡不入眼矣。

蟬花散 治痘出兩目瞳閉。多生眵淚。此非封眼之時急治之。淨蟬蛻 蜜蒙花

酒黃連 當歸尾 淮木通 草龍膽 北柴胡 正川芎 黑梔仁 北防風

白荳蔻 右淡竹葉十片水煎服。

荆防解毒湯 治痘夾斑夾疹。官揀參 北防風 荆芥穗 枯黃芩 牛蒡子

淨知母 川黃蘗 生甘草 玄參 綠升麻 熟石膏 淨連翹 右淡竹葉水

煎服。服此斑疹仍不消者不治。

黃香芍藥湯 治痘起發太快。毒火作祟。官揀參 炙黃耆 生白芍 酒黃芩

淨連翹 北防風 牛蒡子 芽桔梗 粉乾葛 荆芥穗 炙甘草 右淡竹葉

十片水煎服。

內托護心散 治痘起發太遲。正氣不足。官揀參 大當歸 北防風 酒黃連

酒黃芩 酒黃蘗 牛蒡子 荊芥穗 淮木通 青化桂 淨蟬蛻 炙甘草  
右水煎服便秘加大黃紫草。

解毒托裏散 治痘出過於稠密防起發不透。 芽桔梗 牛蒡子 荊芥穗 鮮紅

花 北防風 當歸尾 淨蟬蛻 綠升麻 粉乾葛 赤芍藥 淨連翹 炙甘

草 右水煎服令易壯易靨。

十全大補湯 治痘出純白色。此血氣寒虛也。 官揀參 漂白朮 白雲苓 懷生

地 青化桂 當歸身 大川芎 杭白芍 炙黃耆 公丁香 嫩鹿茸 炙甘

草 右煨薑三片大棗三枚水煎服。

木香快斑散 治痘灰白而變黑陷。 官揀參 南木香 炙黃耆 青化桂 杭青

皮 柯子肉 炙甘草 當歸身 漂白朮 廣陳皮 右薑棗爲引水煎服。中病

卽止不可多服恐增熱證。

百祥丸 治痘黑陷。大小便秘。煩躁悶亂。喘急舌黑。 紅芽大戟。不拘多少。水煮極軟。

去骨。日中晒乾。復納原汁中。煮汁盡焙乾為末。水丸如粟米大。每一二十丸。研赤脂麻湯下。

棗變百祥丸

治證如前方稍緩

青州大紅棗

三十個 去皮核

紅芽大戟

一兩 去骨

右用水一

碗。以前方二味同煮水乾為度。去大戟不用。將棗肉搗爛為丸。從少至多。木香湯下。以利為度。

外浴忍冬湯

治痘疹倒陷黑陷不起皆良。

忍冬藤

俗名金銀花。春冬用枝。夏用枝

葉。剉碎以長流水一大釜煎。七分將三分之一置浴盆內。以手試之。溫熱得中。先服。宜用湯藥。然後浴洗。漸漸添湯。以痘起光壯為度。不拘次數。

傷風選方

人參敗毒散

人參無力措辦者不用亦可

治小兒四時感冒。以及傷風咳嗽。凡咳嗽痰不應者。每

日二服。不拘貼數。以痰豁為度。

官揀參五分

白桔梗

陳枳壳

正川芎

炙甘

草 白茯苓

川羌活

川獨活

信前胡

北柴胡

北防風

荆芥穗

各一錢

右生薑一小片爲引。水煎熱服。忌油。

傷暑選方

五積散 治陰暑受寒。頭痛無汗。惡寒。身體拘急。四肢酸疼。以此溫散之。香白芷

眞廣皮 川厚朴 牙桔梗 陳枳壳 正川芎 杭白芍 白雲苓 漂蒼朮

大當歸 製半夏 嫩桂枝 黑炮薑 炙甘草 右生薑三片紅棗三枚水煎服。

清暑益氣湯 治傷暑。煩熱自汗。口渴惡寒發熱者。官揀參六分炙黃耆一錢漂白

朮一錢六神曲五分宣澤瀉五分川黃蘗五分杭青皮五分粉乾葛一錢北五味三

分炙甘草五分 右生薑一片大棗三枚爲引。水煎熱服。

人參白虎湯 治中暑不惡寒而發熱者。官揀參一錢熟石膏二錢淨知母一錢炙

甘草一錢晚粳米五錢 右水煎熱服。口渴甚。加麥冬一錢北五味五分。

調元生脈散 官揀參一錢炙黃耆二錢大杭冬一錢北五味三分炙甘草一錢 右

生薑三片。大棗三枚。水煎溫服。

加味五苓散 漂白朮二錢 白雲苓二錢 結猪苓二錢 宣澤瀉二錢 青化桂一錢 霍香

梗 宣木瓜各一錢 西砂仁一錢 生薑一片 大棗一枚 燈心十根 右為引 水煎熱

服。

理中湯 治陰暑。嘔吐瀉利腹痛。 官揀參一錢 漂白朮三錢 黑炮薑一錢五分 炙甘草

二錢 大棗三枚 右為引 水煎溫服。

白虎湯 治陽暑。發熱頭痛。煩渴大渴。大汗。脈洪實。大便秘結。小便赤痛。 熟石膏三

錢 漂知母二錢 炙甘草一錢 晚粳米一撮 右水一碗。先煮米熟。納后三味同煎滾。

熱服。

生脈散 官揀參二錢 大杭冬三錢 北五味七分 水煎極濃溫服。

藿香湯 治陽暑。脈虛兼吐瀉。 漂白朮二錢 陳香藿二錢五分 白雲苓二錢 結猪苓二

錢 宣澤瀉二錢 青化桂一錢 白扁豆一錢五分 川厚朴一錢 炙甘草五分 右生薑一

片。大棗一枚。燈心十根。為引。水煎服。

傷濕選方

柴苓湯 治中濕惡熱如瘧。官揀參二錢 北柴胡一錢五分 枯黃芩一錢 法半夏一錢

漂白朮一錢 結猪苓一錢 宣澤瀉一錢 上青桂五分 白雲苓一錢 炙甘草五分 右

生薑三片 大棗三枚 水煎熱服。

茵陳飲 治中濕發黃作熱。大小便瀼。茵陳蒿二錢 黑梔仁一錢五分 赤茯苓一錢 甜

亭歷一錢 小枳寔五分 生甘草五分 右燈心十根 水煎食前服。

胃苓湯 治中濕頭重身重。往來冷熱。漂蒼朮一錢 炒厚朴一錢 廣陳皮一錢 炒白

朮一錢 白雲苓一錢 結猪苓一錢 宣澤瀉一錢 炙甘草五分 上青桂五分 右生薑

三片 水煎食前服。

五皮散 此方合胃苓湯。專治浮腫神效。生薑皮二錢 大腹皮二錢 茯苓皮二錢 桑

白皮二錢 五加皮二錢 右燈心十根 大棗三枚爲引。水煎空心服。

茵陳五苓散 治中濕發黃。茵陳蒿二錢 漂白朮二錢 白雲苓一錢五分 結猪苓一錢

宣澤瀉一錢。青化桂五分。炙甘草五分。生薑三片。大棗三枚爲引。水煎服。

### 霍亂選方

藿香正氣散 治風邪傷胃。陰陽不和。上吐下瀉。紫蘇葉一錢。大腹皮一錢。牙桔梗

白雲苓各一錢。製半夏一錢。五分。川厚朴一錢。香白芷一錢。眞廣皮一錢。炙甘草一

錢。右生薑三片。大棗三枚。水煎熱服。

### 霍亂簡便方

凡霍亂吐瀉腹痛者。切忌熱湯及米湯。犯之必死。必待其吐瀉後一二時久。服藥過後。俟胃氣少回。渴止。知飢。可以稀粥與之。

凡霍亂嘔吐。不受藥。危甚者。速以新汲水。和百沸湯各一杯。和勻。名陰陽湯。飲數口。卽定。

霍亂吐瀉。諸藥不效。菉豆胡椒各二十粒。研細水煎服。如口渴甚者。將二物研細。以新汲井水調服。則安。一方以六一散一二錢。濃煎薑湯調服。夏月更妙。

咳嗽選方

人參敗毒散 此方辛平升散為咳門第一神方。聲響痰出是其效也。枯燥之人數劑

之後略加沙參。玉竹。當歸。白芍。生地。麥冬之類。以滋其陰。無不愈。官揀參五七分

無亦可。芽桔梗一錢二分。正川芎一錢。白雲苓一錢。陳枳殼一錢。信前胡一錢。川羌活

七分。川獨活五分。北柴胡一錢。南薄荷一錢。荊芥穗一錢。北防風一錢。淨連翹一錢

炙甘草五分。右生薑一片為引。水煎半饑服。每日二劑。

清肺飲。治氣逆而咳。面白有痰。信前胡一錢。北柴胡七分。桑白皮五分。陳枳殼一錢

淨知母一錢。川貝母一錢。南薄荷七分。白雲苓一錢。白桔梗一錢。金井膠一錢。大麥

冬一錢。荊芥穗一錢。炙甘草五分。右水煎熱服。切忌油膩。

葶藶丸 治乳食衝脾。傷風咳嗽。面赤身熱。痰多喘嗽。甜葶藶去上尖紙略炒黑牽牛炒光

杏仁去皮尖炒黃色另研漢防己炒右藥等分為細末。入杏仁泥。和蒸棗肉為丸。菉豆大。每

五七丸。薑湯化下。量兒大小加減。怯弱者。本方去牽牛。易家蘇子等分炒研為丸。效



清寧散 治心肺有熱而令咳嗽宜從小便利出。桑白皮蜜炒 甜葶藶微炒 赤茯苓

醋炒車前子炒炙甘草減半 右為細末每服五分生薑大棗煎湯調服。

橘皮湯 治咳嗽痰甚嘔吐。法半夏一錢 白雲苓一錢 眞廣皮一錢 旋覆花一錢 北

細辛五分 官揀參五分 芽桔梗一錢 陳枳殼一錢 炙甘草五分 右生薑二片大棗

一枚水煎徐服。

人參冬花膏 治氣逆咳血痰中見血。官揀參一錢 天門冬一錢 麥門冬一錢 欵冬

花一錢 川貝母一錢 桑白皮一錢 金井橘一錢 片枯苓一錢 白當歸一錢 北五味五

分 炙甘草五分 右為細末煉蜜為丸龍眼核大每一丸燈心湯下。

人參五味子湯 治久嗽脾虛中氣怯弱面白神白此神方也。官揀參一錢 漂白朮

一錢五分 白雲苓一錢 北五味五分 杭麥冬一錢 炙甘草八分 右生薑二片大棗三

枚水煎溫服。

清燥救肺湯 治諸氣憤鬱諸痿喘嘔。鮮桑葉經霜者 炙甘草生肺一錢 熟石膏一錢

二分官揀參七分胡麻仁炒研一錢真阿膠八分杭麥冬去心一分北杏仁炒黃七分枇

杷葉一片刷去毛蜜塗炙黃用右水一碗煎六分頻頻分二三次服痰多加川貝母瓜蒌仁血

虛加生地黃熱甚加犀角羚羊角

桔梗湯 治肺癰出膿血 芽桔梗一錢白當歸一錢川貝母一錢瓜蒌仁一錢漢防

己一錢光杏仁五分陳枳殼一錢薏苡仁一錢生黃耆一錢鮮桑葉一錢潤玄參一

錢 右用蘆茅嫩根三錢為引水煎熱服

### 咳嗽簡便方

小兒咳嗽聲不出者紫苑微炒研末杏仁去皮尖研如泥等分煉蜜為丸芡實大每服

一丸北五味七粒煎湯化服肺實咳嗽痰喘葶藶子隔紙炒為末棗肉為丸龍眼

核大每服一丸白湯化服咳嗽多痰葶藶子隔紙炒知母微炒各五錢研末砂糖

為丸芡實大每服一丸白湯化下小兒咳嗽發熱自汗吐紅脈虛無力人參切片

焙乾天花粉切片酒炒等分為末每服五分蜜湯調服以瘥為度秋天肺燥咳嗽

無痰。北沙參一味。每服五錢。淨水濃煎熱服。小兒百啞嗽痰壅喘咳。川貝母五錢。淡薑湯潤濕。上飯蒸過。甘草半生半炒二錢五分。研細末。沙糖為丸。龍眼核大。每服一丸。米飲化服。熱痰咳嗽。痰出稠濃。或咽喉痛。製南星。製半夏。各三錢。半枯黃芩七錢。焙燥為末。砂糖為丸。芡實大。每用一丸。薑湯化下。

哮喘選方

五虎湯 治寒邪入肺。而作船。此為寒痰固結。非此方不能解散。淨麻黃七分。光杏

仁一錢。陳細茶一錢。熟石膏一錢五分。炙甘草四分。右水煎空心服。

葶藶丸 方見前咳嗽。

利潛湯 治痰閉肺竅。喘息聲。法半夏二錢。大皂角五分。老生薑一錢。炙甘草二錢。

右水煎服。以上皆素無哮喘而暴發者。

補腎抱黃丸 治先天不足。肝腎虛者通用。熟地黃一兩。懷山藥一兩。山萸肉一兩。

嫩鹿茸二兩。粉丹皮一兩。淮牛膝二兩。白雲苓一兩。宣澤瀉一兩。北五味一兩。補骨

一兩 右爲末。蜜丸。菉豆大。每服三錢。淡鹽湯空心下。

痰喘方 治哮喘無痰者。官揀參 製南星 製半夏 瓜蒌霜 香附米 皂角

灰 眞廣皮 炒蘿蔔子 炒各等分 右共爲末。薑汁煮神麴糊丸。麻子大。每服一錢。

薑湯化下。

人參五味子湯 方見咳嗽 貞元飲 治氣短似喘。呼吸急促。提不能升。嚥不能降。

勢甚垂危。 大熟地 五錢 白當歸 三錢 炙甘草 二錢 右水煎熱服。

理陰煎 治腎肝虧敗。不能納氣。浮散作喘。 大熟地 三錢 白當歸 二錢 炮薑灰 一錢

五分 炙甘草 一錢 右水二鍾。煎湯七分熱服。手足冷者。加熱附子一錢。青化桂一

錢。

哮喘簡便方

治痰氣壅塞。雪梨汁一杯。生薑汁四分之一。蜂蜜半杯。薄荷細末一兩。和勻。器盛重湯煮一時之久。任意與食。降痰如奔馬。化痰丸。絲瓜燒存性爲細末。棗肉爲丸。如彈子

大每服一丸。薑湯化下。化痰最捷。兼能止嗽。哮喘久不止。不拘老小。一服即止。并治小兒奶疳。石膏半夏。瓜蒌仁。陳皮。麻黃。各一錢五分。枳殼。杏仁。各一錢。甘草七分。生薑五片。水煎熱服。

清金丹 治一切吼疾。或痰。或食。遇厚味即發者尤妙。蘿蔔子蒸熟。曬乾為末。猪牙皂燒存性。等分。共為細末。薑汁打麵糊丸。如菉豆大。每服一二千丸。薑湯送下。

疳證選方

集聖丸 治冷熱新久。一切疳證以為主。真蘆薈 酒炒 五靈脂 炒 夜明砂 炒 真廣皮

酒炒 杭青皮 酒炒 蓬莪述 煨 使君子 炒 南木香 屑 白當歸 炒 正川芎 酒炒以上俱各二錢 官棟

參 三錢切 焙乾 正川連 薑製 乾蟾蜍 酥炙俱各三錢 西砂仁 酒炒 二錢 右為細末。用公猪膽一枚。取汁

將前末和勻。粟米糊丸。龍眼核大。每服二丸。米飲調下。

嘔吐選方

藿香正氣散 方見類擗。

理中湯 方見傷寒。

參香散 治小兒胃虛作吐。諸藥不止。官揀參切片焙乾。上沉香銼末。松子香研。藿香

梗焙。南木香。銼屑各等分。右共為細末。每服五七分。木瓜煎湯調服。

五苓散 方見中暑。加藿香。

藿連湯 治小兒熱吐不止。真雅連七分薑汁炒。紫厚朴一錢薑汁炒。藿香葉一錢。右生薑

三片。大棗三枚。水煎熱服。

六一散 方見痢疾。

清積丸 治食停胃口而作吐。西砂仁十一個酒炒。公丁香九粒。烏梅肉三箇蒸去核取淨肉。巴豆仁

一粒煨透去油。右共研細末。米糊為丸。菉豆大。每服三丸。白湯送下。

枳桔二陳湯 治小兒胸膈有痰。咳嗽作吐。陳枳殼一錢。芽桔梗一錢。白雲苓一錢

五分。法半夏一錢。真陳皮一錢。炙甘草五分。右生薑三片。大棗二枚。水煎熱服。

嘔吐簡便方

小兒嘔吐。外證不熱不渴。面白唇淡。神慢氣怯。寒吐也。用生薑一大塊。直切薄片。勿令折斷。層層摻鹽。以苧蔴緊紮。外用草紙七層包之。水滋慢火煨令熟。取上去麻紙。將薑搗爛。和早米煎湯服立止。小兒猝嘔不止。生薑取自然汁一盞。煎滾聽用。蜂蜜四兩。煉熟聽用。每服用薑汁一匙。蜜二匙。白湯調服。每日五六次效。小兒胃熱嘔吐。外證面赤煩燥。身熱作渴。手足心熱者。熱吐也。黃連一錢。薑汁炒熟。石膏一錢。共爲細末。每服一錢。白湯調下。吐止後服。小兒乾嘔極惡之證。用甘蔗取汁聽用。生薑取汁聽用。臨服用蔗汁六匙。薑汁二匙。和氣溫熱服。不用湯水調。凡嘔吐服藥不納者。內有蛔蟲。有膈間蛔。聞藥氣則動。動則藥出。而蟲不出。但於嘔吐藥中。加入川椒十四粒。則不吐矣。蓋蛔得椒則伏矣。

泄瀉選方

理中湯 方見傷寒。

六君子湯 方見類摺。

五苓散 方見傷暑加梔仁。

升陽除濕湯 治風濕作瀉。 綠升麻一錢 北柴胡一錢二分 六神麴一錢 宣澤瀉一錢

結猪苓一錢 眞廣皮五分 漂蒼朮一錢五分 炙甘草五分 右生薑三片 大棗三枚 水

煎熱服。

七味白朮散 治泄瀉津液下降 煩燥大渴。 官揀參一錢 漂白朮一錢 白雲苓一錢

南木香三分 藿香葉一錢 粉乾葛二錢 炙甘草五分 右水煎當茶飲。

泄瀉簡便方

治水瀉。或飲食過度。或飲涼水冒暑而發。用生薑搗爛三錢。陳細茶三錢。濃煎湯飲立止。體素薄者。加蓮子去心二錢。泄瀉因傷濕而起。米穀不化。不思飲食。困弱無力。用白朮土炒。白茯苓各三錢。水煎食前服。腹痛者。加炒白朮一錢。炙甘草五分。泄瀉因於寒者。腹痛手足冷。用胡椒三粒。生薑二錢。淡豆豉一錢。煎湯熱服。又方用早米造飯鍋巴。取四兩研末。蓮子去心蒸曬爲末。四兩。白糖四兩。共和勻。每服三二



錢。白湯調下。每日三服。

止瀉散 治久瀉如神。此方經驗最久。用車前子以青鹽水炒七次。秤過二兩。白茯苓炒二兩。山藥炒二兩。炙甘草六錢。共為細末。每服二三錢。炒米湯調烏梅湯送下。

傷食選方

枳實丸 治小兒傷食。脾不運化。

漂白朮二兩黃土拌炒 小枳實二兩酒炒

胃虛不思飲食者

加 藿香葉五錢酒炒 西砂仁五錢酒炒 名香砂枳實丸 小兒體質肥白有痰者加

真廣皮五錢酒炒法半夏五錢炒 名橘半枳實丸 右依法炒製以鮮荷葉包飯煨熟。

去荷葉將飯同前末撮勻為丸。極小每一二錢。半饑白湯下。

胃苓丸 方見傷濕。

保和丸 治飲食停滯。胸膈痞悶。腹脹等證。 六神麴炒 真廣皮炒 法半夏 白雲苓

炒各二錢 京查肉 三兩 淨連翹炒 蘿蔔子炒各五錢 右共為細末。煉蜜為丸。每服二錢。薑

湯下。

木香檳榔丸 治傷食消之不去。以此下之。黑牽牛炒取頭末五錢尖檳榔炒五錢錦莊黃

五錢酒蒸晒乾南木香三錢六神麴炒一兩右共爲細末。薑汁打米糊爲丸。量兒大小。加

減用之。白湯送下。此方亦不峻厲。

異功散 專治脾胃虛弱吐瀉之後。以此調理。大病之後亦用。官揀參切片漂白朮土炒

土炒白雲苓乳蒸真廣皮酒炒炙甘草俱等分右生薑大棗水煎服。共爲末。薑湯

調服亦可。

六神丸 與異功散主治同。官揀參切片焙乾漂白朮土炒白雲苓乳蒸懷山藥酒蒸

白扁豆炒炙甘草俱等分右共爲末。煉蜜丸。彈子大。每服一丸。薑湯化下。

### 食積選方

消積丸 方見嘔吐。

木香檳榔丸 方見傷食。

六君子湯 方見類搐。加莪朮木香。

食積簡便方

消積丸 消食消水消氣消痞消脹消腫消積其功甚捷惟人病虛羸者不宜用 此

比前消積丸藥力輕緩不甚峻厲 香附米酒炒二兩五靈脂炒淨一兩黑牽牛炒取頭末一兩

共為細末打麵糊丸菉豆大每服一二十丸食遠薑湯送下 治傷冷食及難化

之物用生薑紫蘇煎濃湯置浴盆內令患者乘熱坐湯內以手揉其腹胸以熱湯淋

之氣通即化矣 又方以生薑搗爛紫蘇搗爛炒熱布包熨胸腹如冷再炒神效

治傷食停滯飽悶不消以糯米一升炒熱以布包之分作二包於臍腹輪換熨之立

消 凡小兒醫認證不確錯用反藥或煩燥不寧或吐或瀉不止欲與解去其藥用

黑豆一杯甘草三錢煎濃湯服之自解倘無黑豆菉豆亦好

發熱選方

柴葛桂枝湯 治小兒傷風自汗發熱 嫩桂枝一錢 杭白芍一錢五分北柴胡一錢

粉乾葛一錢 炙甘草八分老生薑一錢 大紅棗五枚 右水濃煎熱服

惺惺散 方見胎疾。

五苓散 方見傷暑。

理中湯 方見傷寒。

人參白虎湯 方見傷暑。

調元生脈散 治夏月傷熱發熱。以此扶其元氣。官揀參六分 炙黃耆一錢五分 杭麥

冬一錢 北五味五分 炙甘草五分 老生薑三片 大紅棗一枚 右水煎溫服。

四君子湯 方見瘧疾。

導赤散 方見啼哭。

疎表法 小兒發熱不拘風寒食飲。時行痘疹。並宜用之。以葱一握搗爛取汁。少加麻

油。在內和勻。指蘸葱油。摩運兒之五心。頭面項背諸處。每處摩擦十數下。運完以厚

衣裹之。略疎微汗。但不可令其大汗。此法最能疎通腠理。行經通絡。邪氣外出。不致

久羈榮衛。以傷正氣。誠良法也。大凡小兒發熱至二三日。邪已入裏。或乳食停滯。

內成鬱熱。大小便閉。爲內熱。以雞蛋一枚。去黃取清。以碗盛之。入麻油。約與蛋清等。再入雄黃細末一錢。攪極勻。復以婦女亂髮一團。蘸染蛋清。於小兒胸口拍之。寒天以火烘煖。不可冷用。自胸口拍至臍輪止。須拍半時之久。仍以頭髮敷於胸口。以布紮之。一炷香久。取下不用。一切諸熱。皆能退去。蓋蛋清能滋陰退熱。麻油雄黃。拔毒涼肌故也。此身有熱者用之。倘身無熱。惟啼哭焦煩。神志不安者。不必蛋清。專以麻油雄黃亂髮拍之。仍敷胸口。即時安臥。此法多救危險之證。功難殫述。

解煩法

凡小兒實熱之證。及麻疹毒盛熱極。其證面赤口渴。五心煩熱。啼哭焦擾。身

熱如火。上氣喘急。揚手擲足。一時藥不能及。用水粉一匙。以雞蛋清調勻。略塗兒口。胃口及兩手掌心。復以釀酒小麴十數枚。研爛。熱酒和作二餅。貼兩足心。布紮之。少頃。其熱散於四肢。心內清涼。不復啼擾。開閉法。凡小兒風痰閉塞。昏沉不醒。藥不能入。甚至用艾火灸之。亦不知痛者。蓋因痰塞其脾之大絡。截其陰陽升降之隧道也。原非死證。用生菖蒲。生艾葉。生薑。生葱。各一握。共入石臼內搗如泥。以麻油好

醋。同前四味炒熱。布包之。從頭頂背胸四肢。乘熱往下熨之。其痰一豁。倏然而醒。此方不特小兒。凡閉證皆效。

引痰法 凡小兒痰嗽。上氣喘急。有升無降。喉中牽鋸之聲。須引而下行。用生白礬一兩。研末。少入麵粉亦可。蓋生礬見醋卽化成水。入麵粉。取其膠黏故也。好醋和作二小餅。貼兩足心。布包之一宿。其痰自下。

煖痰法 凡小兒胸有寒痰。不時昏絕。醒則吐出。如菘豆粉濃厚。而帶青色。此寒極之痰。前法皆不能化。惟以生附子一枚。生薑一兩。同搗爛炒熱。布包熨背心。及胸前熨完。將薑附捻成一餅。貼於胃口。良久其痰自開。

納氣法 凡小兒虛脫大證。上氣喘急。眞氣浮散。不得歸元。諸藥莫效。用吳茱萸五分。胡椒七粒。五櫛子一錢。研極細末。酒和作餅。封肚臍。以帶繫之。其氣自順。

通脈法 凡小兒忽爾手足冷厥。此蓋表邪。閉其經絡。或風痰阻其榮衛。又或大病之後。陽不布散於四肢。速用生薑煨熟。搗碎。半小杯。略入麻油調勻。以指蘸薑油。摩兒

手足往下磋挪揉振。以通其經絡。俟其熱回。以紙拭去之。凡小兒指紋滯濇。推之不動。急以此法推豁之。蓋此法不論陰陽虛實。用之皆效。

定痛法 凡小兒胸中飽悶時。腹疼痛。一時不能得藥。用食鹽一碗。鍋內炒極熱。布包之。向胸腹從上熨下。蓋鹽走血分。故能軟堅。所以止痛。冷則又炒。又熨。痛定始止。

痢疾選方

倉廩湯

即人參敗毒散加陳倉米

方見傷風。

胃風湯 治風冷客於腸胃。泄下鮮血。及腸胃濕毒。下如豆汁。或下瘀血。官揀參一

錢 漂白朮一錢五分 白雲苓一錢 白當歸一錢 正川芎五分 杭白芍一錢 上桂心五分

陳粟米一二撮 右薑三片 棗一枚 水煎溫服。

清潤芍藥湯 調血便膿。愈行氣後。重除此方是也。 杭白芍一錢五分 大當歸一錢 雅

川連五分 實黃芩八分 錦莊黃五分 尖檳榔二錢 南木香三分 上桂心三分 右水

濃煎熱服。

黃連阿膠丸 治血痢於血中行氣。正雅連一錢 東阿膠二錢 白雲苓一錢 當歸身

一錢 南木香 一錢 右共為細末米丸。每服一二錢米飲下。

胃苓丸 方見傷暑 加當歸。白芍。白朮。

治痢保和丸 治痢疾積滯未盡。或在先原未得下。今已脾虛不可下者。宜服此。廣

陳皮一錢 法半夏一錢 白雲苓一錢 陳枳殼一錢 川厚朴一錢 正雅連一錢 京查肉

一錢 六神麴一錢 老麥芽一錢 南木香五分 尖檳榔五分 炙甘草五分 右共為細

末。另以神麴煮糊為丸。每服一二錢米飲下。

和中丸 治休息痢。及疝痢。官揀參 炙甘草 當歸身 正川芎 車前子 結

猪苓 宣澤瀉 六神麴 老麥芽 建蓮肉以上各二錢 漂白朮 白雲苓 眞廣

皮 杭白芍 南木香 炮薑灰 肉荳蔻以上各一錢 右共為細末。酒煮麴糊為丸。

每服一二錢米飲下。

加味四物湯 治先水瀉而變痢者 當歸身 正川芎 杭白芍 懷生地 白雲



苓 正雅連 南木香 各等分 右水煎空心熱服。

加味四君子湯 治先痢而後瀉者。 上官揀 漂白朮 白雲苓 當歸身 杭白

芍 炙甘草 各一錢 右生薑三片大棗三枚水煎溫服。

升麻湯 治虛痢脫肛。仍調氣養血微帶升提。 綠升麻一錢五分 官揀參一錢 漂白朮

一錢 白雲苓一錢 荆芥穗一錢 眞廣皮一錢 當歸身一錢 杭白芍一錢 北防風一錢

炙甘草五分 肥烏梅三粒 右水煎食後服。

脫肛洗藥 五倍子五錢 白芒硝一錢 荆芥穗一錢五分 右煎湯薰洗。仍以五倍子研

末敷之。方以軟帛托入。

參苓白朮散 方見疳證。

補腎地黃丸 方見哮喘。加虎脛牛膝鹿茸。

胃苓丸 方見傷暑。

保和丸 方見傷食。

痢疾簡便方

治痢疾。用乾馬齒莧煮爛。紅痢以蜂蜜拌。白痢以砂糖拌。白紅相兼。蜂蜜砂糖各半拌食。一日二次。連湯服之。更妙。

六一散。白滑石研細末。以清水調。飛其重濁滓質不用。待其水清。去水晒乾。每滑石末六兩。加甘草細末一兩。研勻聽用。白痢用七錢。乾薑末七分。紅痢用七錢。紅麴末七分。各用薑汁打麪糊爲丸。梧桐子大。每服一二錢。白湯下。久痢不止。用紅糖白糖。糖餈糖各三錢。甘草一錢。陳茶葉二錢。同煎熟。露一宿。次早溫熱服。神效。

治赤白相兼。用山查肉不拘多少。炒研爲末。每服一二錢。紅痢蜜拌。白痢白砂糖拌。紅白相兼。蜜砂糖各半拌勻。白湯調服。空心下。更妙。此藥不分虛實。不分久近。皆效。甚穩。甚驗。

集成至聖丹新出。治冷痢久瀉。百方無驗者。鴉膽子一味。治之。此物出閩省雲貴。雖諸家本草未收。而藥肆皆有。其形似益智子而小。外殼蒼褐色。內肉白有油。其味至

苦用小鐵錘輕敲其殼。殼破肉出。其大如米。敲碎者不用。專取全仁用之。三五歲兒二十餘粒。十餘歲者三十多粒。大人則四十九粒。取天圓肉包之。小兒一包三粒。大人一包七粒。緊包空腹吞下。以飯食壓之。使其下行。更藉此天圓包裹。可以直至大腸之下也。此藥並不峻厲。復不肚痛。俟大便行時。有白凍如魚腦者。即冷積也。如白凍未見過。一二日再進一服。或微加數粒。此後不須再服。服時忌葷酒三日。戒鴨肉一月。從此除根。永不再發矣。倘次日肚中虛痛。用白芍一根。甘草一根。俱重三錢。紙包水溼。火內煨熟。取起搥爛。煎湯服之。立止。

瘡疾選方

桂枝白朮湯 治感風而發熱瘡。嫩桂枝一錢 杭青皮一錢 眞廣皮一錢 正川芎五分

分香白芷五分 白雲苓一錢 法半夏一錢二分 漂白朮六分 家蘇子七分 芽桔梗五分

尖欖榔五分 右生薑二片 大棗二枚 水煎。於未發前二時服。

養胃湯 治感寒發瘡。 草菓仁 薑製五錢 藿香葉一錢五分 眞廣皮一錢 薑汁炒 上桂心一錢

炙甘草 五分 右生薑二片。烏梅一粒。水煎熱服。

平胃散 治寒瘧不止以此截之。漂蒼朮一錢二分。紫川朴一錢五分。真廣皮一錢二分。炙

甘草一錢。尖檳榔一錢。草菓仁薑汁炒極熟一錢。右生薑二片。大棗三枚。水煎清早空心

服。

柴胡白虎湯 治傷暑發瘧。但熱不寒。官揀參一錢。北柴胡一錢二分。片黃芩一錢。法

半夏一錢。熟石膏一錢五分。淨知母一錢。炙甘草一錢。右以晚粳米一撮。生薑二片。

大棗三枚。水煎未發前服。

四獸飲 治食瘧。和胃消痰。官揀參一錢。法半夏一錢二分。白茯苓二錢。真廣皮一錢。

漂白朮一錢二分。右老生薑一錢。大棗一枚。肥烏梅三粒。炙甘草五分。淨水煎半飢

服。

紅丸子 治食瘧。食積。氣滯。腹脹。京三稜三錢。蓬莪朮三錢。杭青皮三錢。真廣皮三

錢。真胡椒三錢。白乾薑三錢。右共爲細末。早米粉煮糊爲丸。菉豆大。黃丹爲衣。每

服一二十丸。二陳湯煎送。

平瘡養脾丸 不問遠年近日。此藥不發不截。誠治瘡之王道。又擅去瘡之良能也。

官揀參切片焙乾漂白朮土炒白茯苓乳蒸真廣皮醋炒杭青皮醋炒法半夏焙乾漂

蒼朮炒紫川朴薑製北柴胡酒炒嫩黃耆蜜炙結猪苓炒宣澤瀉炒嫩桂枝焙小常

山炒大驚甲醋炙正川芎酒炒粉甘草炙草菓仁薑製右藥十九味俱等分共為

細末。酒煮麪糊為丸。米粒大。每服一二錢。米飲下。有痞塊者。加三稜莪朮。久瘡體虛

者。非此莫愈。

麻黃桂枝湯 治夜瘡血分有邪。宜用此發散其血中風寒。淨麻黃一錢 柳桂枝一

錢二分 片黃芩一錢 光桃仁十五粒 炙甘草一錢 大生地一錢 鮮紅花五分 右葱

白一莖水煎熱服。

瘡疾簡便方

凡瘡疾口渴。切不可飲冷水冷茶。併生冷之物。犯之其病益甚。惟以薑湯乘熱飲之。此

良法也。

凡瘧疾熱未全退。切不可令其飲食。必俟其熱已退盡。方可食之。不然恐成癖積。凡服止截之藥。必須餓過發時。不發方可吃粥。早食則瘧必再作。下次截藥無靈。四神酒治久瘧不止。一服卽住。永不再發。用常山一錢五分。檳榔一錢。丁香五分。烏梅一個。好酒一碗半。略煎。露一宿。發日空心冷服。有截瘧之功。然須用於發散表邪之後。及提出陽分之時。則發無不中矣。凡服常山。切勿熱服。須露一宿爲妙。熱服則吐。生用亦吐。與甘草同服亦吐。凡大虛之體。切宜斟酌。未可遽投。慎之。

小兒熱瘧不寒者。用穿山甲一兩。大紅棗十個。同燒存性爲末。每用一錢。發日五更。白湯調服。

小兒久瘧不止。用大鱉甲。小者不用。以醋炙枯研末。每一錢或錢五。隔夜一服。清晨一服。將發時一服。無不斷者。

消渴選方

蓮花飲 治上消口渴。飲水不休。白蓮鬚一錢。粉乾葛一錢。白雲苓一錢。大生地一

錢。真雅連五分。天花粉五分。官揀參五分。北五味五分。淨知母五分。炙甘草五分。淡

竹葉五分。右燈心十莖。水煎熱服。

生津四物湯 治上消已服蓮花飲後用此。白歸生一錢。大生地一錢。杭白芍一錢。

淨知母一錢。大麥冬一錢。官揀參一錢。正川芎五分。正雅連五分。天花粉五分。川黃

蘗五分。炙甘草五分。肥烏梅一粒。右燈心十莖。水煎熱服。

人參白虎湯 治中消。消穀易餓。食無厭足。官揀參一錢。熟石膏二錢。淨知母一錢。

五分。炙甘草一錢。右加晚粳米一兩為引。水煎以米熟為度。澄清熱服。

加味地黃湯 治下消小便渾濁。色如膏脂。大懷地二錢。正懷山一錢。五分。山茶肉一

錢二分。宣澤瀉六分。粉丹皮一錢。淨知母五分。白雲苓一錢二分。北五味十四粒。建蓮

肉七分。芡實米一錢。大麥冬一錢。淨水濃煎。清晨空心服。

七味白朮散 治小兒久病作渴。口乾不止。惟此最神。方見泄瀉。

消渴簡便方

繭湯通治三消之證。用蠶繭殼。或取絲綿結塊者。取來煎湯。時時當茶飲之。飲至二七無不愈。消渴日夜飲水無度。用猪肚一個。洗極淨。入淡豆豉五錢在內。以線縫之。煮極爛。取汁飲之。吐不可食。又方煮猪血清湯。不入油鹽。多飲極效。

諸血證選方

四君子湯 方見瘧疾。

四物湯 方見瘧疾。加入參白朮各一錢。

清胃湯 治吐血并糞後血。黑梔仁 懷生地 粉丹皮 大當歸 以上四味各一錢 雅川

連五分 右水濃煎滾熱服。

滋陰降火湯 治小兒咳嗽見血。大生地一錢 當歸身一錢 杭白芍一錢 淨知母一

錢 建蓮肉一錢 潤玄參一錢 大杭冬一錢 眞雅連五分 天花粉五分 炙甘草五分

右水濃煎。清晨空心服。



黃連解毒湯 治吐血。正雅連五分。川黃蘗一錢。小條芩一錢。黑梔仁一錢。右燈心十莖。水煎滾熱服。

諸血簡便方

凡吐血鼻血。低頭掬損肺臟而吐血。以及上下一切血證。用百草霜。掃下研爲細末。以糯米煎湯。大人每服三錢。小兒每服一錢。米飲調服。三服立愈。百草霜須鄉間燒茅草鍋底取之。燒柴炭者不用。又治鼻血不止。用大蒜一枚。去皮研如泥。作餅子如錢大。左鼻出。貼左足心。右鼻出。貼右足心。兩鼻俱出。貼兩足心。立時卽止。卽以溫水洗去之。大便瀉血。用亂油髮。雞冠花。側柏葉。俱燒灰。三味等分。研極細末。每服一錢。酒水調服。又方用霜後乾絲瓜。燒灰存性。研末。每服一錢。酒調空心服。下血危篤不可救者。用乾絲瓜一條。燒灰存性。研末聽用。槐花燒灰存性。研末聽用。每服以絲瓜末一錢。槐花末五分。共研勻。米飲調空心服。小兒小便血淋。用雞屎尖白如粉者。炒極焦。研末。每五分。酒調空心服。

小兒尿血。烏梅燒灰存性。研爲細末。每次一錢。米飲調下。

腫滿選方

參蘇飲 方見咳嗽。

五苓散 方見傷暑。

五皮湯 方見傷溼。

胃苓丸 方見傷溼。

加味胃苓丸 卽胃苓丸加後藥。頭面腫初起。暑加麻黃。作喘加桑白皮杏仁。小便黃

赤加木通。身腫加五茄皮。腹脹加炒仁白蔻。枳殼。脚冷不溫。加附子上桂。防己。

平胃散 方見瘧疾。

加味四君子湯 治脾敗胃傷。陰寒作腫。多服自消。官揀參一錢。漂白朮一錢。白雲

苓五錢。上青桂八分。黑炮薑一錢。西砂仁一錢。白荳蔻一錢。公丁香三分。炙甘草五

分。大棗三枚。右水煎半飢溫服。以愈爲度。

水腫簡便方

凡小兒患腫。切須忌鹽。鹽助水邪。服之愈甚。必待腫消之後。以鹽煨過。少少用之。治  
水腫從脚起。入腹則難治。用紅飯豆五升。水煮極熟。取湯四五升。溫浸兩膝之下。冷  
則重煖。若已入腹。以紅豆煮湯。日日服之。亦消。

治脚腫。掘杉木根切斷。而內色紅者爲油杉。方可熏。若切開白色者不用。以紅根切碎。  
煎濃湯。將脚腫處。先熏後洗。一二次自消。又方以紅糟一大碗。加入生薑葱三味  
同煎。其湯先熏後洗。又治頭面手足俱腫。用苦葶藶一兩。隔紙炒熟。碾細末。以大  
紅棗蒸過。去核取肉。和煎末杵勻爲丸。如小豆大。每服七粒。白湯下。日三服。五七日  
則小便多。腫自消也。忌鹹酸生冷之物。

傷寒傷溼腫。以羌活切片。萊菔子二味。等分同炒香。取起。揀去萊菔不用。只以羌活爲  
末。每服一錢。初日一服。二日二服。三日三服效。

脹滿選方

厚朴温中湯 治胃寒心腹脹。紫厚朴一錢五分真廣皮一錢黑薑炭一錢白雲苓一

錢草蔻仁五分南木香五分炙甘草五分虛兼寒者加熟附子五分青花五分 右

生薑三片。水煎服。

塌氣丸 治寒氣鬱結。肚腹虛脹。胡椒仁一兩全蝎尾五錢揀去鈎子洗淨炒乾 右以胡椒畧

去皮取淨一兩炒過和蝎尾碾末。麵糊丸極小。每服一二錢。陳皮湯送下。

集成沉瀝丹 方見胎疾。

集成三仙丹 方見類搐。

異功散 方見傷食。

荆防敗毒散 治瘡疥毒氣內陷。肚腹作腫。荆芥穗 北防風 淨連翹 陳枳壳

綠升麻 南薄荷 川羌活 川獨活 粉乾葛 川木通 金銀花 淡黃芩

正川芎 黑梔仁 炙甘草 以上每味各用一錢 右上身腫加葱三莖。下身腫加燈草十莖。

清水煎服。

腹脹簡便方

治食脹氣脹。用蘿蔔子一兩。碾細末。水調濾汁。用砂仁一兩。以蘿蔔子浸汁一宿。炒乾。又浸。又炒。共七次爲末。每服一錢。米飲湯調下。

黃痺選方

茵陳五苓散 方見傷溼。

胃苓湯加茵陳 方見傷溼。加茵陳一錢。

集成沈瀝丹 方見胎疾。

四君子湯 方見瘵疾。

五君煎 治脾胃虛寒。嘔吐泄瀉而兼溼者。官揀參一錢。漂白朮二錢。白雲苓三錢。

錢炮薑炭二錢。炙甘草一錢。右水一鍾半煎服。

溫胃飲 治中寒嘔吐。吞酸泄瀉。不思飲食。官揀參一錢。漂白朮二錢。白扁豆三錢。

廣陳皮五分。炮薑炭一錢。大當歸二錢。炙甘草六分。右水一鍾煎七分服。

集成肥兒丸 治小兒脾胃虛弱。飲食不消。肌膚瘦削。多服能令兒肥。此丸久經效驗。

蓮肉二兩四錢 去心皮炒 西炒仁六錢酒炒 漂白朮一兩土炒 官揀參一錢晒 乾切片 京杏仁四錢去皮東

白芍四錢酒炒 廣陳皮四錢酒炒 法半夏四錢炒 白雲苓一兩乳 汁蒸晒 真雅連一錢薑製 苡仁米

六錢炒 六神麴六錢炒 炙甘草二錢 右共為細末。煉蜜為丸。如彈子大。每日早午

晚各噙一丸。米飲湯化下。

六君子湯 方見類播。

黃痺簡便方

小兒急黃。以絲瓜連皮帶子。火燒存性研末。每服一錢。米湯下。連進數服愈。小兒黃

如金色。因積滯凝於脾家。以糯稻草煎濃湯飲之。數次效。治小兒黃痺如金。取山

間苡仁根。洗極淨。煎湯服之。自愈。治溼熱發黃。用生薑半斤。茵陳半斤。同搗爛以

布包之。時時周身擦之。其黃自退。

腹痛選方

當歸散 治腹痛有寒無熱。大當歸一錢五分南木香五分青化桂一錢大揀參 炙

甘草各五分生薑三片大棗三枚 右水煎溫服。

燒脾散 治傷生冷菓菜停積中焦心脾冷痛。黑炮薑一錢紫厚朴二錢草薢仁五

分西砂仁一錢六神麴一錢老麥芽一錢真廣皮二錢高良薑五分炙甘草一錢

右或丸或散或水煎俱可。

保童丸 因傷風冷食積肚疼泄瀉嘔惡吐。官揀參切片焙乾漂白朮土炒紫厚朴薑炒

正廣皮酒炒白雲苓乳汁浸蒸結猪苓焙乾宣澤瀉炒藿香葉焙公丁香搗法半夏焙

青化桂去粗皮白乾薑炒白蔻仁焙杭青皮醋炒肉荳蔻煨南木香屑炙甘草各等分

右共焙乾為細末神麴糊為丸如彈子大每服一丸米飲化下。

四順清涼散 治挾熱腹痛面赤壯熱四肢煩燥手足心熱用 杭白芍一錢白當歸

一錢錦莊黃二錢炙甘草五分清水煎滾熱服。

芍藥甘草散 此方無論寒熱虛實一切腹痛服之神效。白芍藥一根重粉甘草根

重二 右二味俱用整者用紙七重包之。水溼慢火煨熟。取起杵爛煎湯服。寒月略加肉桂數分更妙。

三稜丸 治食積。胃腕痛。心腹痛。小腹痛。癰痛。蟲痛。京三稜煨。蓬莪朮煨。半夏麴煨。

小枳實 麩炒。正川連 薑炒。吳茱萸 泡。正廣皮 酒炒。杭青皮 醋炒。南木香 屑。尖檳榔 炒。

川厚朴 薑炒。川棟肉 炒。小茴香 酒炒。右共為細末。神麴糊為丸。量兒大小。加減米

飲調服。

木香檳榔丸 方見食積。

烏梅丸 治胃冷。蟲痛。攻心。嘔吐。四肢冷。用官揀參六錢。川黃柏六錢。北細辛六錢。

青化桂六錢。川熟附六錢。川黃連五錢。正藜椒四錢。大當歸四錢。黑薑炭四錢。肥烏

梅三十個。蒸去核。取淨肉搗爛。右共為細末。酒蒸烏梅肉。搗膏和藥。少加煉蜜。丸芡實大。每服

一丸。水送。每日二三服。以十分之一水煎服亦可。

腹痛簡便方



治一切胃痛。胸痛。腹痛。腰痛。疼如錐刺。不可忍者。花椒不拘多少。研爲細末。和少麵粉。醋和成餅。貼於痛處。上鋪艾絨。用火灸之。其疼立止。一切腹痛。不問虛實寒熱。皆效。用小麥桿燒灰地上。出火毒。將布包之。滾水淋汁。一服立止。

一切疼痛。或寒或熱。或積食。或積血。證莫能辨。藥不能施。有起死回生之妙。用生薑一斤。搗爛。畧擠去汁。入鍋內炒熱。用布分作二包。先以一包熨痛處。冷卽換熱者。勿令間斷。如薑已乾。略加煎汁拌之。又炒又熨。痛止乃已。

凡小兒肚痛。摸其肚有一塊硬起者。蟲痛也。不須服藥。惟令大人以手擦揉其塊處。久久搓之。半日許。其蟲將死。皆從大便而出。其痛立止。小兒腹痛。啼哭不止。用南木香。明乳香。黑沒藥。俱去油。各五分。水煎溫服。小兒胎寒腹痛。啼哭吐乳。大便青色。身出冷汗。用薑黃一錢。南木香乳香沒藥。俱去油。各三錢。共爲細末。蜜丸。芡實大。每服一丸。薑湯調下。

小兒盤腸氣痛。月內之兒。多有之。其證腹內如蛙聲。啼哭不止者。是也。蓋寒熱不和。臟

氣不行。用梔仁五錢。附子三錢。同炒極枯。取起揀去附子不用。單取梔仁。加入白芷一錢。爲末。每服五分。小茴香湯下。小兒腹痛啼哭不止。用乳香一錢。去油燈花七枚。同爲末。每服二分。乳汁調服。

小兒腹痛。一痛卽死者。名爲蟲痛。似痢。用乾漆澆灰。同蕪荑二味。等分爲末。每服五分。米飲湯調下。證重者。每服一錢。

小兒蟲痛。口流涎沫。使君子取肉微炒爲末。五更時。米飲調下。

小兒盤腸腹痛。濃煎葱湯。澆洗兒腹。仍以葱搗爛。炒熱作餅。貼臍上。良久尿出痛止。

### 癖積選方

消癖丸 治癖在脇下。面黃肌瘦。午後發熱。似瘧。用官揀參切片焙乾。漂白朮土炒。正

廣皮酒炒。白雲苓乳蒸。杭青皮醋炒。川厚朴薑製。小枳實麪炒。法半夏焙。西炒仁酒

炒。六神麪炒。陳麥芽炒已上十一味各用三錢。九肋鱉炙三錢。京三稜煨一錢。蓬莪朮煨一錢。南木

香一錢。青化桂二錢。炮黑薑一錢。正雅連薑汁炒二錢。右共爲細末。早米粉和爲丸。每

服一二錢。量兒大小加減米飲下。以癖消藥止。

赭石按癖丸 治腹中癖塊。或生寒熱。或時作痛。小兒壯實。飲食素強者。方宜用之。

代赭石 火煨醋淬至酥 研末水飛過用 杭青皮 醋炒 蓬莪朮 煨 南木香 銼屑 青化桂 各三錢 巴豆霜

去油極淨 取霜一錢 川大黃 二錢 右為細末。醋煮麵糊為丸。蘿蔔子大。每服五丸。淡薑湯送

下。

癖積簡便方

治癖積。心腹內結如拳。及臍腹痛不可忍。用莊黃一兩。酒蒸炮薑五錢。熟附子三錢。九

肋鱉甲八錢。用好醋將鱉甲煮一時久。取起酥炙黃色為度。共為細末。用三年陳老

米醋一升。熬至半升。和前末為丸。菉豆大。每服十丸。空心米湯下。取下積如魚腦。敗

血爛肉。青泥。即愈。後用補脾調理。

小兒好食茶葉成癖。用鮮榧子一觔。空心晌午黃昏。每服十四粒。喫完即愈。榧子京果

舖有賣。小兒食積結痞塊。用大紅棗一觔。皮硝一兩。同煮以水乾為度。晒乾。每日

食此棗。徐徐服之自消。

蟲痛選方

檳榔丸 治小兒一切蟲積。能殺諸蟲。小檳榔一兩。南木香五錢。鶴虱子五錢。光貫

仲五錢。廣錫灰五錢。陳漆渣燒灰。正輕粉二錢。白雷丸二錢。巴豆霜二錢。漆渣灰五

錢。右以諸藥研爲細末。醋煮麪糊爲丸。麻子大。每服二十九。五更時苦楝根皮煎

湯下。

集成肥兒丸 方見黃瘰。

烏梅丸 方見腹痛。

六君子湯 方見類搐。

下蟲簡便方

凡小兒甘肥過度。或糖食甜物太多。乃致濕熱久停而成積。積久生蟲。時發腹痛。以手摸之。腹內有一塊。或一條。梗起。外證面白唇紅。六脈浮洪。其痛時作時止。痛止卽能

飲食者。蟲痛無疑。又有腹痛一痛。卽死者。亦是蟲證。欲去蟲。無如苦楝根皮。法於初旬。先後掘苦楝根。須取每年結子者。方是母樹。其根浮於土面者。有毒。不可用。專取土中者。淨洗泥土。以刀刮其紅皮。止取白皮四五錢。兒大者六七錢。切碎聽用。次早以油煎雞蛋。令兒嗅之。以引其蟲頭。向上而求食。另於別室。以水一盞。濃煎苦楝皮一小杯。不可使見。聞其藥氣。一聞其氣。蟲卽潛伏矣。俟藥熟。以雞蛋與兒食。卽服藥後。兒似困頓。蟲下後。精神如舊。仍當急爲健脾。

諸汗證選方

團參湯 收斂心氣。固心血。能止汗。官揀參切焙三錢。當歸身切焙二錢。右二味分作

二服。用獐猪心一個。切作二片。用前藥二錢。猪心一片。水一鍾。煎湯空心服之。

黃耆固真湯 治氣虛自汗。嫩黃耆一錢。官揀參五分。漂白朮五分。當歸身一錢。炙

甘草五分。天圓肉三枚。右水煎服。

益黃散 治食積盜汗。正廣皮五錢。杭青皮四錢。柯子肉四錢。粉甘草四錢。公丁香

二錢 右共爲末。大兒二錢。小者一錢。如感冒吐瀉。加薑棗同前服之。

理中湯 方見傷寒。

四君子湯 方見瘧疾。

桂枝湯 方見傷寒。

茵陳蒿湯 治頭汗至頸而還將發黃。茵陳蒿一錢五分。川黃柏一錢。黑梔仁一錢。右

燈心十莖。水煎滾熱服。

汗證簡便方

凡男婦小兒。及產母一切虛證。偶然大汗。諸藥莫能止者。先將五倍子末。醋調作小餅。子。納入臍中。以布紮之。然後以舊蒲扇燒灰。多加糯米粉和勻。以夏布袋裝之。自頭至尾。遍身輕撲之。使其粉入毛竅。虛汗卽止。神方也。

疝氣選方

柴苓湯 官揀參一錢。北柴胡一錢五分。枯黃芩一錢。法半夏一錢。漂白朮二錢。白雲苓

一錢 結猪苓 一錢 宣澤瀉 一錢 青化桂 五分 炙甘草 五分 右生薑一片 大棗一枚 水煎熱服。

加味二陳湯 治性急多哭 卵腫痛連小腹 謂之疝氣 用 正廣皮 一錢 法半夏 一錢

白雲苓 一錢 小茴香 一錢 正川芎 一錢 青化桂 五分 炙甘草 五分 生薑 三片 右水

煎熱服。

木香內消丸 治證如前。 南木香 屑京三稜 煨結猪苓 焙 宣澤瀉 炒 川棟肉 炒 正廣

皮 酒炒 香附米 各七錢 酒炒以上 杭青皮 醋炒 二錢 右共為細末 酒煮米糊為丸 每服一二

錢 空心鹽湯下。

加味當歸散 治受寒濕之氣 小腹絞痛 外腎紅腫 並腹痛 啼哭等證 用 當歸身 一

錢 五分 吳茱萸 三分 青化桂 五分 正川芎 五分 黑姜炭 一錢 南木香 五分 小茴香 一

錢 炙甘草 五分 右水煎 臨服加鹽七分 空心溫服。

茱萸內消丸 治寒濕所襲 留伏作痛 癰疝偏墜 用 吳茱萸 醋炙一宿 焙乾炒過 大茴香 鹽炒

青化桂 去皮淨棗仁 去皮核 元胡索 醋炒 杭青皮 醋炒 化橘紅 炒以上各一兩 光桃仁 炒白  
蒺藜 炒 南木香 屑以上各五錢 右共爲細末 酒煮麪糊爲丸 龍眼核大 每服一丸 淡鹽湯  
送下。

加減守病丸 治疝腫不痛。此濕氣也。又名木腎用 漂蒼朮 鹽炒 製南星 炒 香白芷

焙以上各一兩 山查肉 炒 正川芎 炒 廣橘核 炒 法半夏 焙 六神麪 炒 吳茱萸 炒以上各二錢五分 右

共爲細末。酒煮麪糊爲丸。龍眼核大。每服一丸。小茴香煎湯化下。

當歸木香湯 治小兒久疝不愈。用 京橘核 一錢 全當歸 一錢 正川芎 一錢 川木通

一錢 小茴香 一錢 川棟肉 一錢 杭青皮 一錢 結猪苓 一錢 宣澤瀉 一錢 南木香 五分

黑梔仁 五分 右用水濃煎。空心熱服。

疝氣簡便方

治小兒疝氣腫痛。用荔枝核炒焦五錢。大茴香酒炒二錢五分。共爲細末。每服一錢。溫  
酒調下。又方不論小兒及男婦。一切疝氣。以及諸般氣痛。用荔枝核四十九個。炒



兒科易知 啼哭  
焦陳皮九錢。生硫黃四錢。共爲末。鹽水打麪糊爲丸。菉豆大。遇痛時。空心酒研送丸九粒。良久再進一服。不過三服全安。

小兒腎腫硬痛。橄欖核。荔枝核。山楂核。三件等分。俱燒過存性。研末。每服一錢。空心小茴香湯送下。

小兒冷疝作痛。陰囊浮腫。棟子去核五錢。吳茱萸二錢五分。炒研爲末。酒打麪糊爲丸。小荳大。每服十丸。鹽湯化下。

小兒疝久。陰囊堅硬如石。名爲木腎。用瓜萋連皮帶子二錢。葶撥二錢。生薑二錢。葱白二錢。酒煎熱服。被覆煖臥。取汗出效。

### 啼哭選方

瀉青丸 此方清心平肝。疏風涼血。凡小兒作熱不退。將成風搐。或已成風搐。並主之。

川羌活一兩。正川芎一兩。黑梔仁一兩。龍膽草一兩。全當歸一兩。北防風一兩。錦莊

黃五錢

右藥合爲一處。以火烘乾。研爲細末。煉蜜爲丸。青黛爲衣。如大豆大。每服

一二丸。茶清化下。

導赤散 治心經有熱。一切須啼不安皆效。川木通一錢五分。淮生地二錢。枯黃芩一

錢。生粉草五分。淡竹葉十四片。右燈心十根。水煎熱服。

夜啼選方

當歸散 方見疝證。

導赤散 方見前。

十味安神丸 治神虛驚悸。至夜則啼。官揀參二錢。白茯苓二錢。杭麥冬二錢。淮山

藥二錢。正龍齒煨二錢。鏡面砂水飛。寒水石水飛。粉甘草各五分。梅花片一分。赤金

箔十片。右共爲細末。煉蜜丸。芡實大。每服一丸。燈心湯下。

夜啼簡便方

小兒心熱面赤。夜多啼泣。硃砂五分。牛黃一分。共爲末。每一二分。犀角磨湯調下。又

治同前證。夜啼。青黛研篩過。每服二分。燈心十根。煎湯調服。小兒一百二十日內。

夜啼。用蟬蛻四十九個。剪去半截。用後半截。焙乾研末。每服四分。又方用蟬蛻十個。去翅足焙乾。入硃砂一分。共研末。蜜調。塗母乳頭上。令兒吮之。納兒口中亦可。

二便不通選方

八正散 治熱聚下焦。二便不通。用 淮木通 白滑石 黑梔仁 車前子 瞿麥

穗 錦莊黃 白芒硝 俱等分。看兒大小加減之。 右除大黃芒硝在外。將六味水煎極熱。加入

大黃。再煎十數沸。取其斟出澄清。以芒硝沖服。

按臍法 治中下二焦積熱。大小便秘。用蓮鬚葱七莖。不洗。生薑三大塊。淡豆豉三錢。

食鹽三錢。同搗爛作一餅。銚子烘熱。掩肚臍。以帛札之。良久氣通。二便自利。

蜜道法 治二便不通。以此通其大便。則下焦氣行。而小便自通矣。用冬蜜八兩。煉至

滴水成珠不散。入皂角研細末二錢。和勻。稍冷。捏如小指大一條。外以葱涎塗上。輕

輕放入穀道中。自便利矣。

二便不通簡便方

大小便不通。經二三日危急者。以皂角燒灰研末。米湯調下。一錢立通。又方以蜂蜜一盞。皮硝一錢。白湯一盞。空心調下。另以皂角於桶內燒熏。令兒坐桶上。薰上即通。又二便不通。百方不效。肚脹痛。咽喉窒塞。或痰壅氣喘。水米不下。死在須臾。宜急救之。用甘遂五分。麪包煨熟。取出為末。入麝香三厘。搗飯為丸。小兒服二分。湯送下。

小便不利選方

加味導赤散 治小便赤澁。 淮木通 懷生地 炙甘草 枯黃芩 黑梔仁 宣

澤瀉 北柴胡各一錢 淡竹葉七片 右燈心十莖。水煎空心熱服。

益智散 治遺溺。 益智仁五錢鹽水炒 補骨脂三錢鹽水炒 白雲苓五錢酒炒 右共為細末。每

服一錢。鹽湯調下。

五苓散 方見暑證。

人參散 治小便不通。 官揀參一錢 大麥冬一錢 川黃柏五分 炙甘草二錢 右生

薑三片。水煎服。

海金沙散 治小兒諸淋。香附米酒炒正川芎酒炒赤茯苓酒炒以上各五錢 白滑石水飛

一錢 陳枳殼炒宣澤瀉炒 陳石葦焙尖檳榔炒各二錢五分 右共為細末。每服一錢。淡鹽

湯調下。

六味地黃丸 方見濕證。

小便不利簡便方

凡小便不通。服藥無效。用商陸五錢。研末。入麝香少許。先以舊夏布蓋於臍上。將藥放布上。待藥氣入腹。一時即通。小便數日不通。遍身手足腫滿。諸藥不應者。用蘇葉一斤。煎濃湯入脚盆內。令患者坐盆上熏之。冷則又添熱湯。外用炒鹽熨臍上。及遍身腫處。良久便通。腫消而愈。又方用連鬚葱白一斤。搗爛炒熱。分作二處。各以布包輪留。熱熨臍下。即退。小便閉結不通。藥不能效。用食鹽一兩。調溫水服之。良久以指入喉口探吐。一吐即通。

大便選方

八正散 方見二便不通。

承氣湯 方見傷寒。

木香檳榔丸 方見傷食。

保和丸 方見傷食。

潤腸丸 治小兒大便閉結。火麻仁去壳光杏仁去皮光桃仁去皮當歸尾酒潤陳

枳壳各七錢五分金井膠炒蘿蔔子炒家蘇葉各三錢 右共為細末煉蜜丸每服須一

二錢量人加減白湯送下。

頭顙病選方

六味地黃丸 方見胎疾。

封顙法 治頭縫不合名曰解顙。大南星不拘多少以薑汁炒枯研細末醋調塗於

絹帛上烘熱貼顙上以合為度。

瀉青丸 方見啼哭。

參蘇飲 方見咳嗽。

參苓白朮飲 方見疳證。

小柴胡湯 方見傷寒。加粉葛。當歸。白芍。

十全大補湯 方見保產。

補腎地黄湯 方見吼喘。

六君子湯 方見類搐。

生筋散 治筋軟無力。天柱骨倒用 木鱉子 六個 蓖麻子 六十個 去壳淨 右藥研如泥先

抱頭起。以手摩其頸。令熱。津唾調藥塗頸項。

頭顱病簡便方

小兒解顱。或因病後。忽然顱門寬大。頭縫四破。此腦髓不充。太虛之候。用鹿茸。防風。白  
芩。栝子仁。四味。各五錢。共為末。乳汁調作餅。處顱門上。一日一換。以合為度。治小  
兒顱如坑。由久病真元不足。氣血兩虧。大凶之候。速宜十全大補。如鹿茸。薑棗煎服。

外用狗頭骨。炙黃爲末。雞蛋清調之效。

目疾選方

導赤散 方見啼哭。

瀉黃散 治脾經積熱。白珠 生黃 藿香梗一錢二分 黑梔仁一錢 熟石膏一錢 北

防風一錢 炙甘草五分 右水煎半飢服。

生地黃湯 治小兒胎熱。初生眼閉不開。淮生地一錢五分 赤芍藥一錢 正川芎五分

大當歸一錢 天花粉酒炒五分 炙甘草五分 右燈心十莖 長流水煎服。

真金散 治小兒眼胞赤爛。雅川連二錢 川黃柏二錢 大歸身二錢 赤芍藥二錢 光

杏仁去皮尖五分 右剉碎。以乳汁浸一宿。飯上蒸過。取濃汁點眼內。

瀉白散 治小兒久嗽。兩眶黑腫。白珠如血。炙甘草 白桔梗 廣陳皮 桑白皮

地骨皮 右五味等分水煎服。又貼藥 大生地一兩 大黑荳一兩 右二味

用水同浸一夜。取起。煉爲膏。貼眼皮上。血淚既出。腫黑卽消。



清陽散火湯 治小兒風熱眼疾羞明喜暗 荆芥穗一錢 小條芩一錢 正川芎一錢

北防風一錢 淨連翹一錢 黑梔仁二錢 當歸尾一錢 熟石膏一錢 川羌活五分 炙甘

草五分 右燈心十莖 水煎食後服。

眼病簡便方

治日生努肉赤脈貫瞳白膜遮睛諸般雲翳用 雄雀屎即豎立者不拘多少研末水

飛過如飛硃砂樣澄滓不用俟藥澄底傾去清水晒乾每以此微同乳汁研化點翳

上其翳自去神方也。

赤眼腫痛用朴硝一撮盃盛豆腐一塊將硝放豆腐上飯上蒸之俟硝已化去豆腐不

用取汁點眼自愈。

治爛弦風眼百藥不治此方最神用鮮色銅綠三錢研細末以生蜂蜜濃調塗粗盃內

略調乾稀則少時流出矣用艾燒煙將盃覆艾煙上熏之須熏至銅綠焦黑為度取

起冷定以乳汁調勻飯上蒸過搽眼皮上爛弦處百無一失。

赤眼腫痛不消。以精猪肉一片如指甲大。以水洗淨其血。貼於眼皮上。良久。易一片。即消。

耳病選方

蔓荊子散 治小兒腎氣上衝耳聾。蔓荊子一錢。粉葛根一錢。赤芍藥一錢。桑白皮

一錢。信前胡一錢。淮木通一錢。淮生地一錢。杭麥冬一錢。赤茯苓一錢。綠升麻五分。

小甘草五分。右燈心十莖。水煎服。

龍骨散 治小兒耳內出水。以此吹之。正龍骨煨。白明礬煨。真鉛丹炒。各二錢。胭脂胚

二錢。當門子五釐。右共爲細末。以綿展乾耳內膿水。用小竹筒吹藥入耳。

黃柏散 治小兒耳珠前後生瘡。浸淫不愈。川黃柏。白枯礬。海螵蛸。白滑石

石龍骨。右五味各等分。共爲細末。瘡濕乾用。瘡乾用猪油調搽。

蛇蛻散 治耳中痛不可忍。或出水。或乾痛。用蛇蛻燒灰存性。爲細末。鵝毛管吹入

耳中。

通竅丸 治小兒耳忽暴聾 雄磁石 煨一錢 真麝香 五釐 右共為細末。即以棗研

爛。和為一丸。如棗核大。綿裹塞耳中。又以生鐵一小塊。熱酒泡過。含口內。須臾氣即

通矣。

敷毒散 治小兒耳旁赤腫。恐防作癰。不菘豆粉。不拘多少。以老醋調。成膏敷腫處。乾

則易之。

消毒散 治小兒耳旁赤腫。川羌活 七分 片薑黃 七分 淨連翹 七分 白桔梗 七分 北

防風 七分 官揀參 七分 正川芎 七分 當歸尾 七分 北柴胡 七分 小甘草 四分 右生

薑一片。燈心十莖。水煎服。

耳病便簡方

治小兒耳內腫痛。流膿出水。用虎耳草。又名倒垂蓮。搗取汁。灌入耳中。當常用之。此治

聾耳之妙藥。略加枯礬更妙。又耳內膿水不乾。用千層石榴花。焙乾為末。以小竹

筒吹入耳內。又耳外後生瘡。用黃丹一錢。松香八分。輕粉一分。共為細末。香油調

搽一切惡蟲入耳。用稻草燒灰。淋汁瀝入耳中。其蟲即死而出。

鼻病選方。治小兒外感風寒。肺氣壅閉而鼻塞。正川芎三錢。北細辛一錢。小葉本一

錢。香白芷三錢。炙甘草三錢。梅花片。當門子。光杏仁。去皮尖。一錢。右共為細末。煉

蜜為丸。龍眼核大。每服一丸。燈心湯化下。

細辛散。治小兒風寒所襲。鼻流清涕。官揀參。信前胡。北細辛。北防風。正

川芎。炙甘草俱等分。中右共為末。每服一錢。薑葱湯調服。

萬金膏。治小兒風熱侵肺。鼻鼈不聞香臭。川羌活。正川芎。北細辛。淮木通

淨麻黃。石菖蒲。各一錢。右共為細末。每服一錢。以蜜和勻。薑湯化服。

麗澤通氣散。治小兒鼻涕鼻鼈。川羌活。漂蒼朮。北防風。綠升麻。荊芥穗

川獨活。粉乾葛。香白芷。正川芎。淮木通。各二錢。淨麻黃。北細辛。炙

甘草各五分。右生薑三片。大棗三枚。水煎食後服。

辛夷散 治小兒鼻流濁涕而腥臭。用 辛夷仁五錢 蒼耳子炒二錢五分 香白芷二錢 薄

荷葉一錢 雅黃連一錢 右共晒乾為末。每服一錢。葱湯調下。

通關散 治乳子鼻塞不能吮乳。香附米 正川芎 荊芥穗 直殭蠶 北細辛

猪牙皂各五錢 右共為細末。以葱白搗成膏。每用末藥五錢。與葱膏和勻。攤軟

萬帛上。臥烘熱貼兒顛門上。早晨取去。

加減地黃湯 治小兒鼻中出血。淮生地二錢 片黃芩二錢 黑梔仁二錢 赤芍藥一

錢 白茅根二錢 右水煎熱服。

鼻病簡便方

鼻疔破爛。杏仁去皮尖。搗碎以紙包壓去油。以成白粉為度。取二分兌真輕粉一錢。

和勻吹患處。鼻流濁涕不止。名曰鼻淵。用蒼耳子炒辛夷香白芷薄荷等。分為細

末。每用一錢。臨臥葱湯調服。不以數拘。以愈為度。鼻中流臭黃水。名控腦沙。用紫

貝子。俗名南蛇牙齒。粵人呼狗尾螺。取二三枚。火煨醋淬為末。紙包放地上。去火毒。

每服一錢。以絲瓜藤煎湯調藥。空心服。以愈為度。

口瘡選方

沈瀼丹 方見胎疾。

保命散 治小兒鵝口口瘡。箭頭砂 枯白礬 明牙硝 三味各五錢 右共為細末吹

之。

碧雪散 治小兒懸癰重膈。蒲黃末 洋青黛 白礬砂 明牙硝 生甘草 五味各等

分右共為細末吹之。

溫脾丹 治小兒脾冷流涎。南木香 法半夏 各三錢 黑炮薑 漂白朮 各二錢 廣

陳皮 一錢 杭青皮 一錢 右共為細末。煉蜜丸。龍核大。每服一丸。米飲下。

異功散 方見傷食。

瀉黃散 治小兒心脾有熱。舌不轉運。不能吮乳。用 青茯苓 片黃芩 川黃柏

川黃連 黑梔仁 宣澤瀉 茵陳藁 各一錢 右燈心十莖。水煎熱服。

口瘡簡便方

口瘡破爛。用伏雞子壳內衣。微火焙黃。橄欖燒存性。兒茶三味俱等分。共爲細末。以一錢爲度。加冰片五厘。搽患處。卽能進飲食。

口瘡久不癒。用生附子一個。切焙爲末。醋和作餅。男左女右。脚心貼之。引火下行。自愈。小兒口角生瘡。名燕口瘡。以亂髮燒灰存性。米飲調服外。卽以此敷之。又方。蒸飯時。收甑蓋上流下氣水。搽之卽愈。口唇腫黑。癢痛不可忍。先以磁鋒。砭去惡血。以古銅錢磨猪油塗之。治走馬牙疳。及各樣口疳。多年田野中白螺螄壳。研爛。少加兒茶。共爲細末。吹在患處。卽愈。口疳瘡。用吳茱萸二兩。碾末。少加麪粉。醋調作二餅。貼兩足心。布紮之。過夜卽愈。

舌病選方

沆濯丹 方見胎疾。

碧雪散 方見口瘡。

瀉黃散 方見口瘡。

七味白朮散 方見泄瀉。

集聖散 方見疔證。

十全大補湯 方見保產。

涼膈散 治心脾有熱。舌上黑胎。用

淨連翹一錢 黑梔仁六分 錦大黃五分 薄荷葉

一錢 片黃芩六分 芒硝五分 生甘草四分 竹葉七片 右燈心十莖 水煎服。加生蜜

十匙對服。

舌病簡便方

治重舌木舌。腫滿強鞭。或疼不止。不能言語。宜用粗鍼。線扎箸頭上。刺患處。甚者數十刺。爲妙。只鍼舌尖。及舌兩旁舌中心。舌下。切不可鍼。犯之。令出血不止。其刺血之血。以紅色者毒輕。紫色者爲重。黑色者最危。仍以蒲黃研末。擦舌上。卽消。舌或脹大。腫鞭。卽時氣絕。名爲嬰舌。用皂礬不拘多少。新瓦上火煨變紅色爲度。放地上候冷。



研細。搽舌上。立愈。重舌木舌皆效。舌腫滿。不能出聲。以梅花冰片。研爛敷之。或以食鹽百草霜。共為末。并井水調敷即效。

齒病選方

宜風散 治小兒夢中咬牙。尖檳榔五錢。廣陳皮一兩五錢。黑牽牛一兩炒焦。炙甘草取頭末。

五錢。右共為細末。每服一二錢。加蜂蜜調之。空心服。

鼠骨散 治小兒齒落不生。雄鼠一隻。爛去其皮。取全骨炙枯。研細末。加麝香一分。

擦刺處良久。以薑湯漱之。

齒病簡便方

牙齦潰爛。諸藥不效者。用橄欖二三個。連皮帶核。火中煨過。性存。加冰片半分。搽之神效。

走馬牙疳。臭爛出血。紅棗三枚。去核。以明雄研末。填塞棗內。用新瓦盛之。火煨存性。研末擦之。

又方。鳳凰衣。未見水者。焙黃。少加枯礬。共為末搽之。

喉病選方

甘結湯 治小兒胸膈積熱。致生風痰。患喉痺。粉甘草四錢。牙桔梗四錢。右水煎。

細細嚥之。

化毒湯 治小兒咽喉證危迫者。牙桔梗 南薄荷各二錢 荊芥穗 炙甘草各一錢五

分 白芒硝一錢 山豆根一錢五分 馬牙硝 白礪砂各二錢 五分 明雄黃 鏡面砂各二錢

右共為細末。每服一錢。白湯調下。仍以此藥吹喉中。

海上方 治小兒諸骨哽喉。金鳳花根搗碎。以米醋濃煎。用有嘴瓶盛之。口啣瓶嘴。

仰面吸藥吞之。其骨即下。吞藥勿令露牙。又或以玉簪花根。亦可如上法煎嚥。

咽喉病簡便方

治喉閉乳蛾。用雞內金勿洗。陰乾。燒過存性。研末。以竹筒吹入。即破而愈。咽喉內生

瘡。即鼻孔內爛。若作喉風。治立死。用白霜梅一個。燒存性。枯礬一錢。穿山甲一錢。炙

枯共為細末。吹入喉中效。

喉瘡已破。瘡口疼痛。難進乳食。用猪腦髓蒸熱。薑醋調和。服之自愈。咽中結核。不通

水食危困欲死。用百草霜。蜜和丸。芡實大。每一丸。白湯化開灌之。甚者不過二次即愈。悞吞針。用磁石研末。以黃蠟鎔化。和丸如豆大吞下。針共丸藥。同從大便出之。悞吞銅錢。金銀。釵環之類。只以米糖多服之。久之自出。悞吞銅錢。生慈姑搗汁多飲。自然消化。生地栗搗汁。飲之更妙。悞吞竹木。及魚骨。哽咽不下。用象牙磨濃汁水調服。若吞鐵釘。以沙糖拌象牙末服。治諸骨哽咽不下。用威靈仙三錢煎湯頻頻嚥之。其骨即軟。如綿而下。

諸骨哽咽。以狗涎半盞。沙糖半盞。調服立消。凡諸骨哽咽。穀樹葉搗爛取汁服。其骨自軟而出。蓋威靈仙。穀樹葉。楮實子。皆能軟骨故也。凡悞吞金銀銅鐵之類。以鹽橄欖。燒灰研末水調下。其物即出。此方經驗極多。

龜胸龜背選方

杏仁煎 治小兒肺受熱邪。而患龜胸。用 錦大黃好酒九蒸九晒 天門冬去心 真杏仁去皮

尖取 淨仁 淮木通各一錢二分 桑白皮 胡葶藶 熟石膏各八分 右水煎臥時方服。

五軟五硬

五軟者。頭項軟。身體軟。口軟。肌肉軟。手足軟。是爲五軟。五硬者。手硬。脚硬。腰硬。肉硬。頸硬也。獨陰無陽難治。面青而小腹硬者不治。

選方 六味地黃丸 方見胎疾 加鹿茸上桂

丹毒選方

防風治麻湯 治十種丹毒 北防風 綠升麻 黑梔仁 大麥冬 荊芥穗 淮

木通 粉乾葛 南薄荷 玄參 牛蒡子 各一錢 右燈心十莖 水煎熱服。

磁針砭法 用上清磁器。輕輕敲破。取其鋒銳者一枚。將箸頭劈破。橫夾磁鍼。露鋒於外。將線紮緊。以磁鋒正對丹毒之處。另以箸一根於磁鋒箸上。輕輕敲之。其血自出。多刺更妙。毒血出盡。立時見功。

水痘選方

小麥湯 治小兒水痘 白痘石 五分 地骨皮 五分 生甘草 五分 官揀參 四分 川大黃

四分淨知母 四分川羌活 四分葶藶子 四分 右小麥四十四粒。水煎熱服。

三解散 治露丹。官揀參 北防風 明天麻 川鬱金 白附子 錦莊黃 枯

黃芩 直殭蠶 北全蝎 陳枳壳 南薄荷 赤芍藥 小甘草 右隨宜加減。

燈心十莖。水煎熱服。

破傷風選方

疎風散血散 治小兒破傷風。已瘳未瘳者皆治。全當歸 懷生地 赤芍藥 北

防風 各一錢 二分 鮮紅花 大川芎 廣蘇木 炙甘草 各六分 右生薑二片。大棗三

枚。水煎熱服。

紫金錠 山慈姑 三兩 五倍子 三兩 紅芽大戟 一兩 五錢 明雄黃 鏡面砂 各一兩 眞麝

香 三分 右共為細末。糯米飲。和藥丸。錠水磨搽之。

癩疹癰疹選方

消斑青黛飲 治陽毒發斑。正雅連 熟石膏 淨知母 北柴胡 黑梔仁 黑

玄參 綠升麻 淮生地 片黃芩各一錢 官揀參 洋青黛 炙甘草各五分

右生薑三片。豆豉二十一粒。水煎熱服。

化斑湯 卽人參白虎湯。治陽明胃熱發斑。官揀參一錢 熟石膏四錢 淨知母二錢

炙甘草一錢 淡竹葉一錢 右粳米一撮。水煎熱服。

加味羌活散 治癩疹作癢。川羌活 信前胡 芽桔梗 薄荷葉 陳枳壳 明

天麻 香白芷 正川芎 淨蟬蛻各一錢 官揀參 炙甘草各五分 右生薑三

片。水煎熱服。

搽藥方 芸薹菜卽油菜也。搗爛。取汁塗之。或以生鐵銹大黃等。分研末。以芸薹汁調

塗之。

諸瘡證治選方

胡麻丸 治小兒風瘡疥癬。嫩黃苦參五錢 何首烏蒸 胡麻仁炒 蔓荊子炒 威靈仙

炒荊芥穗焙 皂角刺炒各三錢 石菖蒲炒 白菊花各二錢 右共爲細末。酒打米糊丸。

每一二錢。量兒大小。竹葉湯下。

解毒湯 治小兒瘡疥。誤用搽洗。逼毒入腹。以此托之。元參 淨連翹 綠升麻

片黃芩 京赤芍 全當歸 川羌活 北防風 淮生地 荊芥穗 淮木通 各

三錢 炙甘草 五分 右燈心十莖。水煎熱服。大便秘。加酒大黃一錢。

連翹丸 治小兒瘡疥。毒陷入裏。以此托之。淨連翹 桑白皮 白頭翁 粉丹皮

北防風 川黃柏 青化桂 淡豆豉 海螵蛸 秦艽 川獨活 各三錢 右

爲細末。煉蜜爲丸。龍眼核大。每服一丸。燈心湯下。

大補湯 治小兒或生癰疽。出膿之後。或頑瘡破爛。久不收口。官揀參一錢 嫩黃芪

正川芎 淨連翹 香白芷 白雲苓 大歸身 漂白朮 淮生地 赤芍藥

炙甘草 各一錢 二分 右生薑三片。棗三枚。水煎。半饑服。每日一劑。

瘰癧選方

紫膏膏 治瘰癧初起未成者。貼之自消。已成者。貼之自潰。已潰核存者。貼之自脫。并

諸色頑瘡。破爛不愈。疼痛不已者。俱皆神效。明淨松香一斤。研末。鮮色銅綠二兩。研末。以真麻油四兩。入鍋內先煎數沸。滴水中不散。方將松香熬化。次下銅綠。煎至白煙將盡。其膏已成。退火。傾入磁罐收之。用時於熱湯內燉鎔。旋攤旋貼。

白玉丹 專治瘰癧破爛。多年不愈。新出窰礮石灰一塊。滴水化開成粉。用生桐油調勻。乾濕得中。先以花椒葱煎湯洗淨其瘡。以此塗之。不數日全愈。

### 楊梅瘡選方

梅瘡點藥 杏仁一兩。熱湯泡去皮。以綿紙包之。木槌緩緩槌去油。此物極難乾。必數十換紙。方可得油淨。以成白粉爲度。謂之杏霜。每杏霜一錢。加入真輕粉八分。明雄黃一分。共研末。先以槐花煎濃湯。將瘡洗淨。瘡濕則以藥乾搽之。瘡乾則以公猪膽汁調搽。三日全愈。百發百中。此方不特治小兒梅瘡。凡外科下疳蠟燭瘡。藥到病除。久經著驗。

### 瘡疥簡便方



凡半週一歲。乳子偶患瘡傷。最忌外治。必先服解毒之藥數劑。然後稍用外治。無不愈者。倘不先解毒。而妄用搽敷。必致逼毒入內。反爲大害。慎之。治疥神方。大楓子肉

三錢。輕粉明礬各五分。共爲細末。聽用。先以蠟豬油二兩。入麻黃五錢。同入鍋內熬之。以麻黃色黑爲度。濾去渣。退火冷定。調前末搽之。治白禿頭瘡。用雞蛋十個。去

殼攪勻。入小鍋香油。盪成一餅。乘熱蓋兒頭上。一時許。蛋冷取下。又將上面用油煎熱。再覆頭上數次。全愈。妙不可言。黃水瘡。卽肥瘡也。其瘡黃水流下。卽沿生漸至

眉耳。不治則殺人。用黃連五錢。輕粉三錢。共爲細末。麻油調成膏。塗粗碗內。須乾濕得中。將碗覆轉。下燒艾煙熏之。緩緩燒煙。熏至黑色爲度。放地上。出火毒。次加冰片

三分。研勻。香油調搽數次。卽愈。一切無名腫毒。諸般火丹熱淫癬瘡。取陰地蚯蚓糞四兩。皮硝二兩。共研末。新汲井水。濃調厚敷患處。乾則易之。治熱毒瘡疥。用

生石膏 生硫黃 陳細茶各二錢。共爲細末。以生豬油和藥搗勻。搽之。

小兒諸般疔瘡。生於面上。遍身爛成孔凹。儼如大人楊梅瘡。於蒸糯飯時。甑蓋四邊滴

下氣水。以碗盛取。搽於瘡上。數日即愈。百方不效。此法如神。治小兒熱瘡。用雞蛋五枚。煮熟去白。專取蛋黃。再以亂髮一團。如雞子大。同入鍋內。以炭火熬之。初甚乾。次則髮焦。乃有液出。久熬則液漸多。髮盡成液。候髮盡取起。冷定。取塗瘡上。即以苦參末滲之。此神方也。治小兒頭上軟癬。此癬愈而復發。至難除根。用枳殼一個。剉去穰。磨令口平。以麪糊塗。搽枳殼四圍。安貼於癬上。於一邊安一燈心。以通膿水。則膿自去。愈後枳殼自脫。更無痕跡。其枳殼鮮者更妙。則臭橘子是也。樹名鐵籬。多刺而輒。人家園塹多植之。以禦宵人者。此方不獨治軟癬。凡久年頑瘡。膿瘡。不能收口。依法用之。無不愈者。

### 湯火傷簡便方

凡湯火傷初起。即以食鹽研末。用米醋調勻。敷患處。頻塗不絕。暫時雖痛。却能護肉不壞。然後用藥敷貼。切不可用冷物搨。冷水洗。並涼藥敷貼。

凡湯火傷。悶亂不省人事。急以蜂蜜調湯灌之。若至重者。急以煮過熟酒數十壺。入浴。

盆內以患兒浸酒中。雖至重者不死。女兒火燒手。且駸駸至掌。卽以酸醋升餘浸之。出醋尙痛。少時痛止。不瘡不膿。不疤痕。奇方也。

凡湯火傷爛皮已脫去。惟有鮮肉。或臭爛不堪。諸藥不治者。用猪毛一籃。以破鍋炭火燒紅。入猪毛在內煨之。少時猪毛消化。而成黑液。取起冷定。略加大黃數錢。共研細末。再加冰片一分研勻。香油搽油蠟燭油。俱可調搽。至神至靈之方也。

凡遭火藥燒壞者。先以好酒洗淨。次用雞蛋黃熬油聽用。以大黃研末。雞蛋油調搽卽愈。

兒科易知錄